

四庫全書

史部

欽定四庫全書

史部

資治通鑑卷十一至

詳校官編修

臣

范來宗

洗馬

臣

王坦修覆勘

總校官知縣

臣

楊懋珩

校對官中書

臣

孫球

謄錄監生

臣

吳壽朋

欽定四庫全書

資治通鑑卷九

宋司馬光撰

胡三省音註

漢紀一

起旃蒙協洽盡柔兆君灘凡二年項羽之分天下王諸將也王沛公於巴蜀漢中曰漢王

上怒欲攻羽蕭何諫曰語曰天漢其稱甚美於是就國及滅項羽有天下遂因始封國名而號曰漢

太祖高皇帝上之上

姓劉氏諱邦字季沛豐邑中陽里人張晏曰諡法無高以

帝為功最高而為帝之太祖故特起此名也

元年冬十月

古有三正子為天正周用之以十一月為歲首丑為地正殷用之以十二月為歲首

寅為人正夏用之以十三月為歲首秦水德謂建亥之月水得位故以十月為歲首高祖以十月至霸上因而

不革至武帝太初元年定歷改用

沛公至霸上

考異曰

夏正始以寅為歲首至於今因之
書荀悅漢紀皆云是月五星聚東井按魏收後魏書高允傳崔浩集諸術士考校漢元以來日月薄蝕五星行度并譏前史之失別為魏歷以示允允曰善言遠者必先驗於近且漢元年冬十月五星聚於東井此乃歷術之淺事今譏漢史而不覺此謬恐後之譏今猶今之譏古浩曰所繆云何允曰按星傳金水二星常附日而行冬十月日旦在尾箕昏沒於申南而東井方出於寅北何因背日而行是史官欲神其事不復推之於理浩曰欲為變者何所不可君獨不疑三星之聚而怪二星之來允曰此不可以空言爭宜更審之時坐者咸怪東宮少傳游雅曰高君長於歷當不虛言也後歲餘浩謂允曰先所論者本不經心及更考究果如君語以前三月

聚於東井非十月也今從之十月不言五星聚

秦王子嬰素車白馬係頸以組

封皇帝璽符節降軹道旁

應劭曰子嬰不敢襲帝號但稱王耳素車白馬喪人之服

組者天子韋也係頸言欲自殺也師古曰此組謂綬也所以帶璽也組總五翻今綬分條是也應劭曰璽信也古者尊卑共之左傳襄公在楚季武子使公冶問璽書退而與之秦漢尊者以為信羣下乃避之漢官儀曰子嬰上始皇璽因服御之代代傳受號漢傳國璽沈約曰高祖入關得秦始皇藍田玉璽螭虎紐文曰受天之命皇帝壽昌後代名傳國璽史記正義曰天子有六璽皇帝行璽皇帝之璽皇帝信璽天子行璽天子之璽天子信璽皇帝信璽凡事皆用之璽今施行天子信璽以遷拜封諸侯之璽以發兵皆以武都紫泥封虞喜志林曰傳國璽自在六璽之外天子凡七璽符說文曰信也韋昭曰符發兵符也師古曰符諸所合符以為契者也周

禮地官之屬有掌節鄭玄注云節猶信也行者所執之
信三禮義宗曰節長尺二寸秦漢以下改為旌旗之形
韋昭曰節者使所擁也釋名云為號令賞罰之節也師
古曰節以毛為之上下相重取象竹節將命者持之以
為信徐廣曰軹道在霸陵蘇林曰亭名也在長安東十
三里漢宮殿疏曰軹道亭東去霸城觀四里觀東去霸
水百步括地志軹音紙軹道在
雍州萬年縣東北十六里苑中諸將或言誅秦王沛公
曰始懷王遣我固以能寬容事見上卷秦二世二年且人已降殺
之不祥乃以屬吏屬付也屬吏者付之於吏使監守之也屬之欲翻

賈誼論曰秦以區區之地致萬乘之權招八州而朝

同列

蘇林曰招音翹舉也秦國周職方雍州之地耳既破六國乃舉豫兗青揚荆幽冀并八州有之

六國與秦俱稱王是為同列朝直遙翻

百有餘年然後以六合為家

六合

謂天地東南西北

殺函為宮一夫作難而七廟墮

墮讀曰隳記天子七

廟三昭三穆與太祖之廟而七

身死人手為天下笑者何也仁誼不

施而攻守之勢異也

沛公西入咸陽諸將皆爭走金帛財物之府分之

走音奏

蕭何獨先入收秦丞相府圖籍藏之以此沛公得具知

天下阨塞

阨乙草翻塞悉則翻

戶口多少彊弱之處沛公見秦宮

室帷帳狗馬重寶婦女以千數意欲留居之樊噲諫曰

沛公欲有天下邪將為富家翁邪凡此奢麗之物皆秦

所以亡也沛公何用焉願急還霸上無留宮中

樊噲起於狗屠

識見如此子謂噲之功當以諫留秦宮為上鴻門誚沛讓項羽次之姓譜周宣王封仲山甫於樊後因氏焉

公不聽張良曰秦為無道故沛公得至此夫為天下除

殘賊宜縞素為資

縞素有喪之服謂弔民也為音于偽翻縞音工老翻

今始入秦

即安其樂

樂音洛

此所謂助桀為虐且忠言逆耳利於行

毒藥苦口利於病願沛公聽樊噲言沛公乃還軍霸上

十一月沛公悉召諸縣父老豪傑謂曰父老苦秦苛法

久矣苛音柯細也吾與諸侯約先入關者王之王於況翻又如字吾

當王關中與父老約法三章耳殺人者死傷人及盜抵

罪服虔曰隨輕重制法也李奇曰傷人有曲直盜賊有

多少罪名不可預定凡言抵罪未知抵何罪也師古

曰抵至也當也服李二餘悉除去秦法諸吏民皆案堵

說並得之抵丁禮翻案次第也堵牆堵也言凡吾所以來為父老除害

如故不運動也去羗呂翻

非有所侵暴無恐且吾所以還軍霸上待諸侯至而定

約束耳乃使人與秦吏行縣鄉邑告諭之秦制縣大率方百里十里

一亭十亭一鄉所封食秦民大喜爭持牛羊酒食獻饗

邑為於偽翻行下孟翻資治通鑑

軍士沛公又讓不受曰倉粟多非乏不欲費民民又益喜唯恐沛公不為秦王項羽既定河北率諸侯兵欲西

入關先是諸侯吏卒繇使屯戍過秦中者秦中吏卒遇

之多無狀

言無善狀也先悉薦翻繇讀曰徑

及章邯以秦軍降諸侯諸

侯吏卒乘勝多奴虜使之輕折辱秦吏卒秦吏卒多怨

竊言曰章將軍等詐吾屬降諸侯今能入關破秦大善

即不能諸侯虜吾屬而東秦又盡誅吾父母妻子奈何

諸將微聞其計以告項羽項羽召黥布蒲將軍計曰秦

吏卒尚衆其心不服至關不聽事必危不如擊殺之而

獨與章邯長史欣都尉翳入秦於是楚軍夜擊阬秦卒

二十餘萬人新安城南

班志縣屬弘農郡師古曰今穀州縣括地志新安故城在洛州

滎池縣東一十二里

或說沛公曰秦富十倍天下地形彊聞項

羽號章邯為雍王王關中

雍於用翻王關之王於況翻下欲王同

今則來

沛公恐不得有此可急使兵守函谷關無內諸侯軍

內音

納又如字今傳內從入者奴對翻從入者讀為納

稍徵關中兵以自益距之沛

公然其計從之已而項羽至關關門閉聞沛公已定關

中大怒使黥布等攻破函谷關十二月項羽進至戲

戲許

宜翻

沛公左司馬曹無傷使人言項羽曰沛公欲王關中

令子嬰為相珍寶盡有之欲以求封項羽大怒饗士卒

期旦日擊沛公軍當是時項羽兵四十萬號百萬在新

豐鴻門

新豐縣本秦驪邑高祖七年方置史以後來縣名書之應劭曰太上皇思東歸於是高祖築城

市街里以象豐徙豐民以實之故號新豐孟康曰鴻門在新豐東十七里舊大道下阪口名也姚察云在新豐古城東末至戲水道南有斷原南北洞門是也水經注今新豐古城東有阪長二里餘塹原通道南北洞門有同門汰謂之鴻門孟康言在新豐東十七里無之蓋指縣治而言非謂城也自新豐古城西至霸城五十里霸

城西十里則霸水又西二十里則長安城

沛公兵十萬號二十萬在霸上范

增說項羽曰沛公居山東時貪財好色今入關財物無

所取婦女無所幸此其志不在小吾令人望其氣皆為

龍虎成五采此天子氣也

周禮眠禋氏掌十輝之法以觀妖祥辨吉凶即後世所謂

望氣者也晉天文志天子氣內赤外黃四方所發之處當有王者若天子欲有遊往處其地亦先發此氣或如城門隱隱在氣霧中或氣象青衣人無手在日西或如龍馬或雜色鬱鬱衝天者皆帝王之氣

急擊勿

失楚左尹項伯者

楚官有左尹右尹

項羽季父也素善張良乃

夜馳之沛公軍私見張良具告以事欲呼與俱去曰毋

俱死也張良曰臣為韓王送沛公沛公今有急亡去不

義不可不語

為於偽翻
語牛居翻

良乃入具告沛公沛公大驚良

曰料公士卒足以當項羽乎沛公默然曰固不如也且

為之奈何張良曰請往謂項伯言沛公之不敢叛也沛

公曰君安與項伯有故張良曰秦時與臣游嘗殺人臣

活之今事有急故幸來告良沛公曰孰與君少長良曰

長於臣

少詩照翻
長知兩翻

沛公曰君為我呼入吾得兄事之張

良出固要項伯

要一
通翻

項伯即入見沛公沛公奉卮酒為

壽約為婚姻曰吾入關秋毫不敢有所近

文穎曰毫秋乃成好舉威

而言也師古曰毫成之時端極纖細適足喻小非言其盛近其新翻

籍吏民封府庫而待

將軍所以遣將守關者備它盜之出入與非常也日夜

望將軍至豈敢反乎願伯具言臣之不敢倍德也

倍讀背

項伯許諾謂沛公曰旦日不可不蚤自來謝沛公曰諾

於是項伯復夜去至軍中具以沛公言報項羽因言曰

沛公不先破關中公豈敢入乎今人有大功而擊之不

義也不如因善遇之項羽許諾沛公旦日從百餘騎來

見項羽鴻門謝曰臣與將軍勦力而攻秦將軍戰河北
臣戰河南不自意能先入闢破秦得復見將軍於此今
者有小人之言令將軍與臣有隙項羽曰此沛公左司
馬曹無傷言之不然籍何以至此項羽因留沛公與飲

范增數目項羽

數所角翻

舉所佩玉玦以示之者三

玦如環而有缺

增舉以示羽蓋欲其決意殺沛公也

項羽默然不應范增起出召項莊謂

曰君王為人不忍若入前為壽

若汝也師古曰凡言為壽者謂進爵於尊者而

獻無疆之壽

壽畢請以劍舞因擊沛公於坐殺之

坐俱卧翻

不者

若屬皆且為所虜莊則入為壽壽畢曰軍中無以為樂

樂音洛

請以劒舞項羽曰諾項莊拔劒起舞項伯亦拔劒

起舞常以身翼蔽沛公莊不得擊於是張良至軍門見

樊噲噲曰今日之事何如良曰今項莊拔劒舞其意常

在沛公也噲曰此迫矣臣請入與之同命噲即帶劒擁

盾入

盾所以蔽身者也盾食尹翻

軍門衛士欲止不內樊噲側其盾

以撞衛士仆地

撞丈江翻擊也

遂入披帷立

在旁曰帷釋名曰帷圍也以自障圍

也

瞋目視項羽

瞋怒目也昌真翻

頭髮上指目眦盡

眦才賜翻又在

計翻目

項羽按劍而跽曰

跽其紀翻
長跪也

客何為者張良曰

沛公之參乘樊噲也項羽曰壯士賜之卮酒則與斗卮

酒噲拜謝起立而飲之項羽曰賜之彘肩則與一生彘

肩樊噲覆其盾於地加彘肩其上拔劍切而啗之項羽

曰壯士復能飲乎

復扶
又翻

樊噲曰臣死且不避卮酒安足

辭夫秦有虎狼之心殺人如不能舉刑人如恐不勝天

下皆叛之懷王與諸將約曰先破秦入咸陽者王之今

沛公先破秦入咸陽毫毛不敢有所近

近其
斬翻

還軍霸上

以待將軍勞苦而功高如此未有封爵之賞而聽細人之說欲誅有功之人此亡秦之續耳竊為將軍不取也項羽未有以應曰坐樊噲從良坐坐須臾沛公起如廁因招樊噲出沛公曰今者出未辭也為之奈何樊噲曰如今人方為刀俎我方為魚肉何辭為於是遂去鴻門

去霸上四十里沛公則置車騎

置留也留車騎於鴻門不以自隨

脫身

獨騎樊噲夏侯嬰斬彊紀信等四人

姓譜夏侯出自夏后之後祀簡公為

楚所滅其弟佗奔魯魯悼公以佗出自夏后氏受爵為侯謂之夏侯因而命氏紀春秋紀侯之後以國為姓

持劔盾步走從驪山下道芷陽間行趣霸上

班志京兆霸陵縣故

芷陽也文帝更名間空也投空隙而行間古覓翻趣讀如趣嚮之趨遂須翻後以義推又七喻翻

留張

良使謝項羽以白壁獻羽玉斗與亞父沛公謂良曰從

此道至吾軍不過二十里耳度我至軍中公乃入

度徒洛翻

沛公已去間至軍中張良入謝曰沛公不勝楮杓不能

辭

勝音升

謹使臣良奉白壁一隻再拜獻將軍足下玉斗

一隻再拜奉亞父足下項羽曰沛公安在良曰聞將軍

有意督過之

師古曰謂視責也

脫身獨去已至軍矣項羽則受

辟置之坐上

坐但卧翻

亞父受玉斗置之地拔劍撞而破之

曰唉

歎恨之聲音鳥聞翻又於其翻

豎子不足與謀奪將軍天下者必

沛公也吾屬今為之虜矣沛公至軍立誅殺曹無傷居

數日項羽引兵西屠咸陽殺秦降王子嬰燒秦宮室火

三月不滅收其貨寶婦女而東秦民大失望

秦民初見沛公無所

侵暴而悅及為項羽殘滅失其初所望也

韓生說項羽曰關中阻山帶河四

塞之地地肥饒可都以霸項羽見秦宮室皆已燒殘破

又心思東歸曰富貴不歸故鄉如衣繡夜行誰知之者

韓生還曰人言楚人沐猴而冠耳果然

師古曰沐猴猶猴也言雖著人

衣冠其心不類人也果然如人之言也

項羽聞之烹韓生項羽使人致命

懷王懷王曰如約

言如前約使沛公王關中

項羽怒曰懷王者吾家

所立耳非有功伐

張晏曰積功曰伐

何以得專主約天下初發

難時

謂初起兵時難乃旦翻

假立諸侯後以伐秦然身被堅執銳

首事暴露於野

史記正義曰暴露北翻又如字

三年滅秦定天下者皆

將相諸君與籍之力也懷王雖無功固當分其地而王

之諸將皆曰善春正月羽陽尊懷王為義帝曰古之帝

者地方千里必居上游

游即流也言居水之上流

乃徙義帝於江南

都郴

史記曰長沙郴縣班志郴縣屬桂陽郡蓋高祖定天下方分長沙為桂陽郡也郴丑林翻

二月

羽分天下王諸將羽自立為西楚霸王

文穎曰史記貨殖傳淮以北沛

陳汝南南郡為西楚彭城以東吳廣陵為東楚衡山九

江江南長沙豫章為南楚羽欲都彭城故自稱西楚孟

康曰舊名江陵為南楚吳為東

王梁楚地九郡都彭城

班志縣屬楚國史記正義曰徐州縣

羽與范增疑沛公而業已講解又惡

負約

惡烏路翻

乃陰謀曰巴蜀道險秦之遷人皆居之乃曰

巴蜀亦關中也故立沛公為漢王王巴蜀漢中都南

鄭巴蜀漢中秦所置三郡地也班志南鄭縣屬漢中括

著蜀鑑曰南鄭自南鄭漢中自漢中南鄭乃古褒國秦

未得蜀以前先取之漢中乃金洋均房等州六百里是

也秦既得漢中乃分南鄭以隸之而置郡焉南鄭與漢

中為一自此始春秋楚人巴人滅庸即今均房兩州地

班志漢中郡治西城而三分關中王秦降將以距塞漢

今金州上庸郡是也

路塞則翻章邯為雍王王咸陽以西都廢邱班志扶風槐里縣周曰犬

邱懿王所都也秦曰廢邱高祖三年更名章昭曰犬邱

周懿王所都秦欲廢周故曰廢邱括地志廢邱故城在

雍州始平縣

東南二十里長史欣者故為櫟陽獄掾嘗有德於項梁

都尉董翳者本勸章邯降楚故立欣為塞王王咸陽以

東至河都櫟陽

韋昭曰塞在長安名桃林塞今華州潼關師古曰取河華

之固為阨塞耳非桃林也塞先代翻櫟陽縣屬馮翊括

地志漢七年分櫟陽城內為萬年縣隋改為大興縣唐

復萬年秦獻公所城櫟陽故城在今雍州櫟陽縣東北

二十五里項梁嘗有櫟陽逮請斬獄掾曹咎書以抵欣

而事得已所謂有

德於梁也櫟音藥

立翳為翟王王上郡都高奴

翟因以名國班志高奴縣屬上郡索隱曰今鄜州有高

奴城括地志延州城即漢高奴縣杜佑曰延州春秋白

翟之地漢為膚施高奴臨河縣地後魏置東夏州後改

延州以界內延水為名董翳都高奴今金明縣是也

項羽欲自取梁地乃徙魏王豹為西魏王王河東都平

陽

班志縣屬河東郡

瑕邱申陽者張耳嬖臣也先下河南郡迎

楚河上故立申陽為河南王都洛陽

括地志洛陽故城在洛州洛陽縣東

北二十六里周公所築即成周城也與地志成周之地秦莊襄王以為洛陽縣三川守治焉後漢都雒陽改為雒陽以火德忌水故去洛旁水而加佳魏於行次為土水之忌也水得土而流土得水而柔故除佳而加水

韓王成因故都都陽翟趙將司馬卬定河內數有功故

立卬為殷王王河內都朝歌

河內郡朝歌縣故殷都也因以名國

徙趙王

歇為代王趙相張耳素賢又從入關故立耳為常山王

王趙地治襄國

括地志邢州本漢襄國縣秦置三十六郡於此置信都縣屬鉅鹿郡項羽改曰

襄國子據班志襄國縣屬趙國信都縣屬信都國漢蓋又分為二縣宋白曰趙王歇都襄國今邢州所理龍岡

縣城是也

當陽君黥布為楚將常冠軍

冠音古玩翻

故立布為九

江王都六

班志當陽縣屬南郡九江應劭曰江自廬江尋陽分為九地理志九江在尋陽縣南皆東

合為大江史記正義曰九江郡即壽州楚自陳徙壽春號曰郢秦滅楚于此置九江郡

番君吳芮

率百越佐諸侯又從入關故立芮為衡山王都邾

班志邾縣

屬江夏郡括地志曰邾故城在黃州黃岡縣東南二十里番音婆

義帝柱國共敖將兵

擊南郡功多因立敖為臨江王都江陵

共音龔人姓也姓譜共商諸侯

之國晉有左行共華又云鄭共叔段後臨江孟康曰本南郡漢改為臨江國江陵縣屬焉

徙燕王韓

廣為遼東王都無終

故無終子之國班志無終縣屬北平郡非遼東郡界蓋羽今韓廣都

于無終而令併王
遼東之地故也

燕將臧荼從楚救趙

姓譜臧姓魯孝公子臧僖伯之

後因從入關故立荼為燕王都薊

班志薊縣屬廣陽國師古曰今幽州縣水

經注薊城西北隅有薊丘故名薊音計

徙齊王田市為膠東王都即墨齊

將田都從楚救趙因從入關故立都為齊王都臨菑項

羽方渡河救趙田安下濟北數城引其兵降項羽故立

安為濟北王都博陽

史記正義曰博陽在濟北班志太山郡盧縣濟北王都豈博陽即此

地邪余據濟北有博開博陽蓋在博開之南也濟于禮翻

田榮數負項梁

數所角翻

又不

肯將兵從楚擊秦以故不封成安君陳餘棄將印去不

從入關亦不封客多說項羽曰張耳陳餘一體有功於

趙今耳為王餘不可以不封羽不得已聞其在南皮

班志

南皮縣屬勃海郡閭閻曰章武有北皮亭故此
云南括地志南皮故城在滄州南皮縣北四里因環封

之三縣

環音宦

番君將梅鋗功多封十萬戶侯漢王怒欲

攻項羽周勃灌嬰樊噲皆勸之

灌風俗通曰
斟灌氏之後

蕭何諫曰

雖王漢中之惡不猶愈於死乎漢王曰何為乃死也何

曰今衆弗如百戰百敗不死何為夫能誅於一人之下

而信於萬乘之上者湯武是也

誅與屈同
信與伸同

臣願大王

漢中養其民以致賢人收用巴蜀還定三秦

雍翟塞
為三秦

天

下可圖也漢王曰善乃遂就國以何為丞相漢王賜張

良金百鎰珠二斗良具以獻項伯漢王亦因令良厚遺

項伯

遺于季翻

使盡請漢中地項王許之夏四月諸侯罷戲

下兵

師古曰戲謂軍之旌麾也先是諸侯從項羽入關者各帥其兵聽命於羽今既受封爵各使就國故

總言罷戲下也一說云時從羽在戲水之上故言罷戲

下此說非也羽見高祖於鴻門此時已過戲矣又入燒

宮室不復在戲也漢書

通以戲為麾許宜翻

各就國項王使卒三萬人從漢

王之國楚與諸侯之募從者數萬人從杜南入蝕中

漢京

兆杜縣之南也如淳曰蝕入漢中道川谷名近世有程
大昌者著雍錄曰以地望求之關中南面背礙南山其
有微徑可達漢中者唯子午谷在長安正南其次向西
則駱谷此蝕中若非駱谷即是子午谷李奇蝕音力

張良送至褒中

地理志褒中縣屬漢中郡師古曰褒中言居褒谷之中括地志褒谷在梁州褒

城縣北五十里南中山李文子曰褒谷在褒城北南谷曰褒北谷曰斜同為一谷自褒谷至鳳州界一百三十里始通斜谷斜谷在鳳翔府郿縣谷中褒水所流穴山架木而行漢王遣良歸韓良因

說漢王燒絕所過棧道以備諸侯盜兵

師古曰棧即閣也今謂之閣道

蓋架木為之棧士限翻公休士諫翻

且示項羽無東意

田榮聞項羽徙

齊王市於膠東而以田都為齊王大怒五月榮發兵距

擊田都都亡走楚

走音秦

榮留齊王市不令之膠東市畏

項羽竊亡之國榮怒六月追擊殺市於即墨自立為齊

王是時彭越在鉅野有衆萬餘人無所屬榮與越將軍

印使擊濟北秋七月越擊殺濟北王安榮遂并王三齊

之地

三齊謂齊及濟北膠東也王于況翻

又使越擊楚項王命蕭公角將

兵擊越越大破楚軍

張耳之國陳餘益怒曰張耳與

餘功等也今張耳王餘獨侯此項羽不平乃陰使張同

夏說說齊王榮曰

夏說讀曰悅

項羽為天下宰不平盡王諸

將善地徙故王於醜地今趙王乃北居代餘以為不可

聞大王起兵不聽不義願大王資餘兵擊常山復趙王

請以趙為扞蔽

師古曰扞蔽猶言藩屏也

齊王許之遣兵從陳餘

項王以張良從漢王韓王成又無功故不遣之國與俱

至彭城廢以為穰侯

班志穰縣屬南陽郡

已又殺之初淮陰人

韓信家貧無行

班志武帝元狩六年置臨淮郡淮陰縣屬焉史記正義曰今楚州縣無行言無

善行可推擇也

不得推擇為吏又不能治生商賈

行賈曰商坐販

曰賈治翻

常從人寄食飲人多厭之信釣於城下有漂母

見信飢飯信

漂匹妙翻以水擊
絮曰漂飯扶晚翻

信喜謂漂母曰吾必有

以重報母母怒曰大丈夫不能自食吾哀王孫而進食

豈望報乎淮陰屠中少年有侮信者曰若雖長大好帶

刀劒中情怯耳因衆辱之曰信能死刺我

刺七亦翻

不能死

出我袴下

徐廣曰袴一作勝勝股也漢書作跨同耳師
古曰跨兩股之間索隱曰勝枯化翻然尋此

文作袴欲依字讀何為不通袴
下乃跨下也何必須要作跨下

于是信孰視之俛出袴

下蒲伏

俛音免俯首
也伏蒲北翻

一市人皆笑信以為怯及項梁渡

淮信杖劒從之居麾下無所知名項梁敗又屬項羽羽

以為郎中數以策干羽羽不用

數所角翻

漢王入蜀信亡

楚歸漢末知名為連敖坐當斬

據史記表信為連敖典客班表作栗客索隱以

為誤徐廣於周憲表以連敖為典客益以信表為據李奇曰楚官名如淳曰連敖楚官左傳楚有連尹莫敖其

後合為一官號其輩十三人皆已斬次至信信乃仰視適見滕

公曰滕公即夏侯嬰初從高祖為滕令故號滕公

上不欲就天下乎何為斬

壯士滕公奇其言壯其貌釋而不斬與語大說之

說讀曰悅

言於王王拜以為治粟都尉

班表治粟內史秦官掌穀貨都尉蓋其屬也至漢改

內史為大司農

亦未之奇也信數與蕭何語何奇之漢王至南

鄭諸將及士卒皆歌謳思東歸多道亡者信度何等已

數言王王不我用即亡去

數所角翻

何聞信亡不及以聞自

追之人有言王曰丞相何亡王大怒如失左右手居一

二日何來謁王王且怒且喜罵何曰若亡何也何曰臣

不敢亡也臣追亡者耳王曰若所追者誰何曰韓信也

王復罵曰諸將亡者以十數公無所追信詐也何曰

諸將易得耳至如信者國士無雙

師古曰為國家之奇士予謂何言漢國之

士僅有信一人

王必欲長王漢中無所事信

長王于況翻

必

定無與此也

欲爭天下非信無可與計事者顧王策安所決耳王曰
吾亦欲東耳安能鬱鬱久居此乎何曰計必欲東能用
信信即留不能用信終亡耳王曰吾為公以為將

吾為
于偽

翻

何曰雖為將信不留王曰以為大將何曰幸甚於是

王欲召信拜之何曰王素慢無禮今拜大將如呼小兒
此乃信所以去也王必欲拜之擇良日齋戒設壇場具
禮乃可耳王許之諸將皆喜人人各自以為得大將至
拜大將乃韓信也一軍皆驚信拜禮畢上坐

上時掌
坐徂卧翻

王曰丞相數言將軍將軍何以教寡人計策信辭謝因

問王曰今東鄉爭權天下豈非項王邪鄉讀曰嚮漢王曰然

曰大王自料勇悍仁彊孰與項王漢王默然良久曰不

如也信再拜賀曰惟信亦以為大王不如也惟史記作惟漢書作

唯師古曰唯弋葵翻應辭仲馮曰惟字當屬下句讀如本字予謂如漢書本文則當如師古如史記本文則當

如仲馮賀然臣嘗事之請言項王之為人也項王喑噁

叱咤喑於燭翻噁烏路翻懷怒氣也千人皆廢晉灼曰廢不收

也然不能任屬賢將屬之欲翻此特匹夫之勇耳項王見人

恭敬慈愛言語嘔嘔

康隱曰嘔嘔猶姁姁同音吁鄧展曰和好貌

人有疾病

涕泣分食飲至使人有功當封爵者印利敝忍不能予

蘇林曰手美角訛不忍授也子謂角訛者利之義敝舊敝也師古曰利五九翻蘇林大官翻又音專此所

謂婦人之仁也項王雖霸天下而臣諸侯不居關中而

都彭城背義帝之約而以親愛王諸侯不平

背蒲妹翻王于況翻

下而王威王王王當王同

逐其故主而王其將相又遷逐義帝置江

南所過無不殘滅百姓不親附特劫於威彊耳名雖為

霸實失天下心故其彊易弱今大王誠能反其道任天

下武勇何所不誅以天下城邑封功臣何所不服以義

兵從思東歸之士何所不散

散謂四散而立功劉氏曰用東歸之兵擊東方之敵

此敵無不敗散也貢父曰何不散者言義兵無敵諸侯之兵無不離散以敗也

且三秦王為秦

將謂章邯司馬欣董翳三人

將秦子弟數歲矣所殺亡不可勝計

勝音

又欺其衆降諸侯至新安項王詐坑秦降卒二十餘

萬唯獨邯欣翳得脫秦父兄怨此三人痛入骨髓今楚

強以威王此三人秦民莫愛也大王之入武關秋毫無

所害除秦苛法與秦民約法三章秦民無不欲得大王

王秦者於諸侯之約大王當王關中關中民咸知之大

王失職入漢中秦民無不恨者今大王舉而東三秦可

傳檄而定也于是漢王大喜自以為得信晚遂聽信計

部署諸將所擊

師古曰部分而署置之

留蕭何收巴蜀租給軍糧

食八月漢王引兵從故道出襲雍

春秋釋例掩其不備曰襲班志故道縣屬

武都郡括地志故道今鳳州兩當縣杜佑通典曰故道鳳州梁泉兩當縣地

雍王章邯迎擊

漢陳倉雍兵敗還走止戰好時又敗

班志陳倉縣屬扶風唐之岐州寶鷄

縣是也杜佑曰故城在縣東二十里班志好時縣屬扶風孟康曰時音止神靈之所止也師古曰即今雍州好

時縣宋白曰漢好時故縣在今縣東南四十三里奉天縣界好時故城是也李文子曰在今鳳翔天興縣界

走廢丘漢王遂定雍地東至咸陽引兵圍雍王於廢丘

而遣諸將略地塞王欣翟王賢皆降以其地為渭南河

上上郡

渭南後曰京兆河上後曰馮翊

令將軍薛歐王吸出武關

歐惡后翻

吸音翕

因王陵兵以迎太公吕后項王聞之發兵距之陽

夏不得前

夏音賈

王陵者沛人也先聚黨數千人居南陽

至是始以兵屬漢項王取陵母置軍中陵使至則東鄉

坐陵母欲以招陵

古以東鄉之位為尊沛公見羽於鴻門羽東鄉坐韓信東鄉坐李左車而

師事之是也
鄉讀曰鄉

陵母私送使者泣曰願為老妾語陵善事

漢王漢王長者終得天下毋以老妾故持二心妾以死

送使者遂伏劍而死項王怒亨陵母

為于偽翻語牛
倨翻亨讀曰烹

項王以故吳令鄭昌為韓王以距漢

班志吳縣
屬會稽郡

張良

遺項王書曰漢王失職欲得關中如約即止不敢東又

以齊梁反書遺項王曰

遺于季翻

齊欲與趙并滅楚項王以

此故無西意而北擊齊燕王廣不肯之遼東臧荼擊

殺之并其地

是歲以內史沛周苛為御史大夫

班表
御史

大夫秦官位上卿掌副宰相應
劾曰侍御史之奉故稱大夫

項王使趣義帝行其

羣臣左右稍稍叛之

趣讀曰促

二年冬十月項王密使九江衡山臨江王擊義帝殺之

江中

九江王黥布衡山王吳芮臨江王共敖

陳餘悉三縣兵與齊兵共

襲常山常山王張耳敗走漢謁漢王於廢丘漢王厚遇

之陳餘迎趙王於代復為趙王趙王德陳餘立以為代

王陳餘為趙王弱國初定不之國

偽為于翻

留傳趙王而使

夏說以相國守代

張良自韓間行歸漢

間古覓翻

漢王以

為成信侯良多病未嘗特將

特將未嘗獨將兵也將即亮翻

常為畫策

臣時時從漢王

漢王如陝

陝失再翻

鎮撫關外父老

河

南王申陽降置河南郡

漢王以韓襄王孫信為韓太

尉將兵略韓地信急擊韓王昌於陽城昌降十一月立

信為韓王常將韓兵從漢王

漢王還都櫟陽

諸將

拔隴西

春正月項王北至城陽齊王榮將兵會戰敗

走平原平原民殺之項王復立田假為齊王遂北至北

海燒夷城郭室屋坑田榮降卒係虜其老弱婦女所過

多所殘滅齊民相聚叛之

漢將拔北地虜雍王弟平

章平也雍

三月漢王自臨晉渡河

臨晉注見三卷報王五年師古曰其

於用翻

地在河之西瀛東臨晉境即今之同州朝邑界也史記正義曰臨晉即蒲津關

魏王豹降將兵

從下河內虜殷王卬置河內郡

初陽武人陳平家貧

好讀書里中社

孔隸達曰按祭法曰大夫以下成羣立社曰置社注云大夫不得特立社與民

族居百家以上則共立一社今時里社是也如鄭此言則周之政法百家以上得立社其秦漢以來雖非大夫民二十五家以上則得立社故云今之里社又鄭志云月令命民社謂秦社也自秦以下民始得立社

平

為宰

師古曰宰主切割肉也

分肉甚均父老曰善陳孺子之為宰平

曰嗟乎使平得宰天下亦如是肉矣及諸侯叛秦平事

魏王咎於臨濟為太僕

班表太僕秦官掌與馬應劭曰周穆王所置蓋太御衆僕之長

也濟子禮翻

說魏王不聽人或讒之平亡去後事項羽賜爵

為卿

張晏曰禮秩如卿不治事

殷王反項羽使平擊降之還拜為都

尉賜金二十鎰居無何

師古曰言無幾時

漢王攻下殷項王怒

將誅定殷將吏平懼乃封其金與印使使歸項王而挺

身間行

挺待昂翻挺也言平拔身間出而行也

杖劍亡渡河歸漢王於修

武因魏無知求見漢王漢王召入賜食遣罷就舍平曰

臣為事來偽翻所為言不可以過今日于是漢王與語而

說之

說讀曰悅

問曰子之居楚何官曰為都尉是日即拜平

為都尉使為參乘典護軍

使平典護軍而監護諸將也

諸將盡謹曰

謹音喧譁然不服之聲

大王一日得楚之亡卒未知其高下而即

與同載反使監護長者

監古街翻

漢王聞之愈益幸平漢

王南渡平陰津至洛陽新城

班志平陰縣屬河南郡水經河水逕平陰縣北魏文

帝改平陰曰河陰洛陽縣屬河南郡新城時屬縣界惠帝四年始置新城縣括地志洛州伊闕縣在州南七十

里本漢新城也隋文帝改新城為伊闕取伊闕山為名

三老董公遮說王曰班表

一亭亭有長十亭一鄉鄉有三老掌
教化秦制橫道自言曰遮說式芮翻
臣聞順德者昌逆

德者亡兵出無名

伐有罪則兵出有名

事故不成故曰明其為賊

敵乃可服項羽為無道放殺其主

放謂遷義帝于郴殺謂殺之江中殺讀曰

弑

天下之賊也夫仁不以勇義不以力

文穎曰以用也已

之可不用勇而天下自服已有義天下奉之可不用力而天下自定

大王宜率三軍之衆

為之素服以告諸侯而伐之則四海之內莫不仰德此

三王之舉也于是漢王為義帝發喪袒而大哭哀臨三

日如淳曰袒亦如禮袒踊也師古曰袒謂脫衣之袖也袒徒旱翻衆哭曰臨力禁翻

發使告諸

侯曰天下共立義帝北面事之今項羽放殺義帝江南

大逆無道寡人悉發關中兵收三河士

韋昭曰河南河東河內也南

浮江漢以下願從諸侯王擊楚之殺義帝者

史記正義曰南收三

河士發關內兵從雍州入子午道至漢中歷漢水而下東行至徐州擊楚子謂正義之說迂矣三河在彭城之北已不可謂南收三河士若發關內兵南浮江漢獨不能出武關而浮江漢而必入子午谷至漢中而下漢水邪況子午道此時亦未通鑿其可引之而為說乎此特言發三河士以攻其北又南浮江漢下兵以夾攻之也服虔曰漢名王為諸侯師古曰非也當時漢未有此稱號直言諸侯及王耳

使者至趙陳餘

曰漢殺張耳乃從於是漢王求人類張耳者斬之持其

頭遺陳餘

遺于季翻

餘乃遣兵助漢

田榮弟橫收敗卒得

數萬人起城陽

史記正義曰城陽濮州雷澤是子考正義所謂城陽乃班志濟陰郡之城陽縣

田榮初與項羽會戰之地榮既敗而北走死於平原羽遂至北海燒夷城郭室屋則濟陰之城陽已隔在羽軍之後田橫所起蓋班志城陽國之地春秋莒之故墟也羽既連戰未能克橫而漢入彭城遂南從魯出胡陵至蕭以擊漢莒魯舊為鄰國則此城陽為莒之故墟明矣

夏四月立榮子廣為齊王

以拒楚項王因留連戰未能下雖聞漢東既擊齊欲遂

破之而後擊漢漢王以故得率諸侯兵凡五十六萬人

伐楚到外黃彭越將其兵三萬餘人歸漢漢王曰彭將

軍收魏地得十餘城

項羽併王梁楚徙魏王豹於河東號西魏王今越所下外黃十餘城

皆梁地也

欲急立魏後今西魏王豹真魏後乃拜彭越為魏

相國擅將其兵略定梁地漢王遂入彭城收其貨寶美

人日置酒高會項王聞之令諸將擊齊而自以精兵三

萬人南從魯出胡陵至蕭

魯即伯禽所都秦置魯縣屬薛郡漢後以薛郡為魯國史

記正義曰魯今兗州曲阜縣蕭縣秦屬泗水郡唐徐州蕭縣是也

晨擊漢軍而東至彭

城日中大破漢軍漢軍皆走相隨入穀泗水死者十餘

萬人漢卒皆南走山楚又追擊至靈壁東睢水上

臣瓚曰穀

泗二水皆在沛郡彭城水經注睢水出陳留縣西蕩
澤東過沛即相縣又逕彭城郡之靈壁東而東南流項
羽敗漢王處也漢書又云東逼穀泗服虔曰水名也在
沛國相縣界又詳睢水逕穀熟而兩分而睢水為薪水
故二水所在枝分通為無稱穀水之名蓋因地變然則
穀水即睢水也睢水又東南至下相而入于泗謂之睢
口泗水又東南過彭城縣東北南至下邳入淮孟康曰
靈壁故小縣在彭城南史記正義曰靈壁在徐州符離
縣西北

九十里

漢軍却為楚所擠

擠于詣翻排也又于奚翻

卒十餘萬人皆

入睢水水為之不流圍漢王三匝會大風從西北起折
木發屋揚沙石窈冥晝晦逢迎楚軍大亂壞散而漢王
乃得與數十騎遁去欲過沛收家室而楚亦使人之沛

取漢王家皆亡不與漢王相見漢王道逢孝惠魯元

公主

魯元公主帝女也服虔曰元長也食邑于魯韋昭曰元諡也師古曰公主惠帝姊也以其最長故號

曰元不得為諡貢父曰韋昭是也載以行楚騎追之漢王急推墮二子

車下

推吐雷翻

滕公為太僕

滕公夏侯嬰也史記曰嬰從擊秦軍洛陽東賜爵封轉為滕公

漢書曰嬰為滕令奉車故號滕公班表太僕秦官掌與馬應劭曰周穆王所置蓋大御衆僕之長中大夫也

常下收載之如是者三曰今雖急不可以驅奈何棄之

故徐行漢王怒欲斬之者十餘滕公卒保護脫二子

卒子

翻

審食其從太公吕后間行求漢王不相遇反遇楚軍

審姓食其名食其音異基將間行以避楚
軍乃反與楚軍相遇也問古莧翻下同
楚軍與歸項

王常置軍中為質

質音致

是時呂后兄周呂侯為漢將兵

居下邑

班志下邑縣屬梁國梁國秦碭郡漢改馬宋白曰今宋州碭山縣即古下邑城

漢王間

往從之稍稍收其士卒諸侯皆背漢復與楚

背蒲妹翻

塞王

欣翟王翳亡降楚田橫進攻田假假走楚楚殺之橫

遂復定三齊之地漢王問羣臣曰吾欲捐關以東等

弃之誰可與共功者

師古曰捐關以東謂不自有其地將以與人令其立功共破楚也子

謂等弃之者言捐以與人與弃等也

張良曰九江王布楚梟將

師古曰梟謂最勇健

也與項王有隙彭越與齊反梁地此兩人可急使而漢

王之將獨韓信可屬大事當一面

師古曰屬委也音之欲翻

即欲捐

之捐之此三人則楚可破也初項王擊齊徵兵九江九

江王布稱病不往遣將將軍數千人行漢之破楚彭城

布又稱病不佐楚楚王由此怨布數使使者謂讓

數所角翻

以辭相責曰請讓謂才笑翻

召布布愈恐不敢往項王方北憂齊趙

西患漢所與者獨九江王又多布材

師古曰多者猶重也

欲親用

之以故未之擊漢王自下邑徙軍碭遂至虞

班志虞縣屬梁國師

古曰今宋州虞城縣宋白曰古虞國舜禪禹封其子商均於虞少康奔虞即此謂左右白如彼

等者無足與計天下事謁者隨何進曰不審陛下所謂

姓譜隨姓隨侯之後又云杜伯之玄孫會為晉大夫食采于隨曰隨武子後因以為姓漢王曰孰

能為我使九江令之發兵倍楚倍滿妹翻留項王數月我之

取天下可以百全隨何曰臣請使之漢王使與二十人

俱五月漢王至滎陽諸敗軍皆會蕭何亦發關中老

弱未傳者傳讀曰附孟康曰古者二十而傳三年耕有一年儲故二十三而後役之如淳曰律言二

十三傳之疇官各從其父疇學之高不滿六尺二寸以下為罷癘漢儀注云民年二十三為正一歲為衛士一

歲為材官騎士習射御馳戰陳又曰年五十六乃得免
為庶民就田里今老弱未傅者皆發之未二十為弱過
五十六為老師古曰傅著也
言著名籍給公家徭役也
悉詣滎陽漢軍復大振楚

起於彭城常乘勝逐北與漢戰滎陽南京索間

京縣秦屬三川

郡漢改曰河南郡即鄭共叔所居京城也應劭曰京縣
今有大索小索亭括地志京縣城在鄭州滎陽縣東南
二十里滎陽縣即大索城杜預曰成臯城東有大索城
又有小索故城在滎陽縣北四里宋白曰滎陽縣故城
在鄭州滎澤縣南十七里平原上索水逕其東即項羽
圍漢王處秦三川郡亦曾移理於此括地志所謂滎陽
縣即大索城乃唐之滎陽縣晉
灼曰索音冊師古音求索之索
楚騎來衆漢王擇軍中

可為騎將者皆推故秦騎士重泉人李必駱甲

班志重泉縣屬

馮翊括地志重泉故城在同州蒲城縣東南四十五里
姓譜齊太公之後有公子駱子孫以為氏史記惡來革

之玄孫曰大駱

漢王欲拜之必甲曰臣故秦民恐軍不信臣願

得大王左右善騎者傳之

如淳曰傳音附猶言隨從者

乃拜灌嬰為

中大夫令李必駱甲為左右校尉將騎兵擊楚騎於滎

陽東大破之楚以故不能過滎陽而西漢王軍滎陽築

甬道屬之河以取敖倉粟

括地志敖倉在鄭州滎陽西北十五里縣門之東北臨汴

水南帶三皇山屬之欲翻

周勃灌嬰等言于漢王曰陳平雖美如

冠玉

孟康曰飾冠以玉光好外見中無所有也

其中未必有也臣聞平居家

時盜其嫂事魏不容亡歸楚不中

中竹仲翻

又亡歸漢今日

大王尊官之令護軍臣聞平受諸將金金多者得善處

金少者得惡處平反覆亂臣也願王察之漢王疑之召

讓魏無知無知曰臣所言者能也陛下所問者行也今

有尾生孝已之行

尾生古之信士或曰即微生高孝已商高宗之子以孝行著行下孟翻

而無益勝負之數陛下何暇用之乎楚漢相距臣進奇

謀之士顧其計誠足以利國家不耳

不讀曰否

盜嫂受金又

何足疑乎漢王召讓平曰先生事魏不中事楚而去今

又從吾游信者固多心乎平日臣事魏王魏王不能用

臣說故去事項王項王不能信人其所任愛非諸項即

妻之昆弟雖有奇士不能用聞漢王能用人故歸大王

臣裸身來裸郎果翻赤身也不受金無以為資誠臣計畫有可

采者願大王用之使無可用者金具在請封輸官得請

骸骨漢王乃謝厚賜拜為護軍中尉盡護諸將諸將乃

不敢復言魏王豹謁歸視親疾謁歸謂謁告而歸也至則絕河

津反為楚豹都平陽在河東故斷其六月漢王還櫟陽

津濟以拒漢軍為于偽翻

壬午立子盈為太子赦罪人 漢兵引水灌廢丘廢

丘降章邯自殺盡定雍地以為中地北地隴西郡

自置中地

郡後至九年罷屬內史武帝建元六年分為右內史太初元年更名主爵都尉為右扶風

關中大

飢米斛萬錢人相食令民就食蜀漢初秦之亡也豪桀

爭取金玉宣曲任氏獨窖倉粟

漢有長水宣曲胡騎高祖功臣有宣曲侯蓋地

名也張揖曰宣曲宮名在昆明池西師古曰宣曲觀名索隱曰上林賦云西馳宣曲當在京輔今關其地窖工考勘穿地

以藏粟也

及楚漢相距滎陽民不得耕種而豪桀金玉

盡歸任氏任氏以比起富者數世 秋八月漢王如滎

陽命蕭何守關中侍太子為法令約束立宗廟社稷宮室縣邑事有不及奏決者輒以便宜施行上來以聞計

關中戶口轉漕調兵以給軍未嘗乏絕

調徒
平翻

漢王使

郿食其往說魏王豹且召之豹不聽曰漢王慢而侮人

罵詈諸侯羣臣如罵奴耳吾不忍復見也

復扶
又翻

於是漢

王以韓信為左丞相與灌嬰曹參俱擊魏漢王問食其

魏大將誰也對曰柏直

姓譜柏柏皇氏之後顯項師柏
招帝譽師柏景春秋柏國為楚

所王曰是口尚乳臭

言其少不經事弱不任
事若未離乳保之懷者

安能當韓

信騎將誰也曰馮敬曰是秦將馮無擇子也雖賢不能

當灌嬰步卒將誰也曰項它曰不能當曹參吾無患矣

韓信亦問酈生魏得無用周叔為大將乎酈生曰柏直

也信曰豎子耳遂進兵魏王盛兵蒲坂以塞臨晉

塞悉則翻

信乃益為疑兵陳船欲渡臨晉而伏兵從夏陽以木罌

渡軍襲安邑

班志夏陽縣屬馮翊秦之少梁也秦惠文王十一年更名史記正義曰夏陽在同州

北韓城界木罌服虔曰以木押縛罌缶以渡也韋昭曰

以木為器如罌缶以渡軍無船且尚密也師古曰服說

是罌缶謂瓶之大腹小口者也罌一政翻

康於耕翻魏王豹驚引兵迎信九月信

擊虜豹傳詣滎陽

傳直繼翻言以驛馬傳送詣漢王所

悉定魏地置河東

上黨太原郡

漢之敗於彭城而西也陳餘亦覺張耳

不死即背漢

背蒲妹翻

韓信既定魏使人請兵三萬人願以

北舉燕趙東擊齊南絕楚糧道漢王許之乃遣張耳與

俱引兵東北擊趙代

時趙王歇王趙陳餘王代

後九月信破代兵禽

夏說於閼與信之下魏破代漢輒使人收其精兵詣滎

陽以距楚

資治通鑑卷九

欽定四庫全書

資治通鑑卷十

宋司馬光撰

胡三省音註

漢紀二

起彊圉作噩盡著
雍闓茂凡二年

太祖高皇帝上之下

三年冬十月韓信張耳以兵數萬東擊趙趙王及成安

君陳餘聞之聚兵井陘口

陘音刑杜佑曰井陘口在鎮
州鹿泉縣今謂之土門按宋

白續通典鎮州石邑縣有井陘山甚險固又鹿泉縣本
漢石邑縣地隋開皇十六年置至德初改名獲鹿又井

陜縣穆天子傳天子獵于銅山即此地注云燕趙謂山脊為陜陜山在縣東南十八里四方高中央下如井故

陜曰井號二十萬廣武君李左車說成安君曰韓信張耳

乘勝而去國遠關

謂乘取代之勝勢也說輸芮翻

其鋒不可當臣聞千

里餽糧士有飢色樵蘇後爨

樵取薪也蘇取草也

師不宿飽今井

陜之道車不得方軌

方軌謂車併行

騎不得成列行數百里其

勢糧食必在其後

鄭康成曰行道曰糧謂精也止居曰食謂米也

願足下假臣

奇兵三萬人從間路絕其輜重

師古曰間路微路也間古覓翻師古曰輜衣車

也重謂載重物車也故行者之資總曰輜重釋名云輜廁也所載衣服雜廁其中重直用翻

足下深

溝高壘勿與戰彼前不得鬪還不得還野無所掠不至
十日而兩將之頭可致於麾下否則必為二子所禽矣
成安君嘗自稱義兵不用詐謀奇計曰韓信兵少而疲
如此避而不擊則諸侯謂吾怯而輕來伐我矣韓信使
人間視知其不用廣武君策則大喜乃敢引兵遂下未
至井陘口三十里止舍

止軍而舍息也舍如字

夜半傳發選輕騎

二千人

傳發傳令軍中使發兵

人持一赤幟

漢旗幟皆赤幟昌志翻

從間道

單山而望趙軍

如淳曰單音蔽依山以自覆蔽也杜佑曰單山音蔽今名抱犢山在鎮州石邑

縣井陘山亦在石邑意間道草山即誠曰趙見我走必此地師古曰蔽隱于山使敵不見

空壁逐我若疾入趙壁

若汝也疾速也

拔趙幟立漢赤幟令其

裨將傳餐曰

服虔曰立駐傳餐食也如淳曰小飯曰餐言破趙乃當共飽食也餐干安翻

今

日破趙會食諸將皆莫信佯應曰諾信曰趙已先據便

地為壁且彼未見吾大將旗鼓未肯擊前行行戶恐吾

至阻險而還也

信蓋謂趙聚兵塞井陘之口欲俟信出險而後擊之若見前鋒便縱兵接戰則

信必將阻險而還師也還音旋又如字

乃使萬人先行出背水陳

史記正義曰綿

蔓水自井州北流入井陘縣界即信背水陳處背蒲妹翻陳讀曰陣

趙軍望見而大笑平

旦信建大將旗鼓行出井陘口趙開壁擊之大戰良

久於是信與張耳佯棄鼓旗走水上軍

走音秦

水上軍開

入之復疾戰趙果空壁爭漢旗鼓逐信耳信耳已入水

上軍軍皆殊死戰

師古曰殊絕也言決意必死

不可敗

敗補邁翻

信所出

奇兵二千騎共候趙空壁逐利則馳入趙壁皆拔趙旗

立漢赤幟二千趙軍已不能得信等欲還歸壁壁皆漢

赤幟見而大驚以為漢皆已得趙王將矣

將即亮翻

兵遂亂

遁走趙將雖斬之不能禁也于是漢兵夾擊大破趙軍

斬成安君泚水上

水經註泚水即井陘山水世謂之鹿泉水東北流屈經陳餘壘又東註綿

蔓水師古曰泚音祗又丁計翻又丁禮翻

禽趙王歇諸將効首虜畢賀因問

信曰兵法右倍山陵前左水澤今者將軍令臣等反背

水陳曰破趙會食

倍與背同蒲妹翻

臣等不服然竟以勝此何

術也信曰此在兵法顧諸君不察耳兵法不曰陷之死

地而後生

孫子九地疾戰則存不戰則亡為死地曹操註曰前有高山後有大水進不得退有礙者

置之亡地而後存且信非得素拊循士大夫也此所謂

驅市人而戰之

師古曰言如忽入市廛驅其人以赴戰非素所習練者也其勢非置

之死地使人人自為戰今予之生地皆走寧尚可得而

用之乎

予讀曰與下同

諸將皆服曰善非臣所及也信募生得

廣武君者予千金有縛致麾下者信解其縛東鄉坐師

事之

予讀曰與鄉讀曰嚮

問曰僕欲北伐燕東伐齊何若而有功

何若猶言何如也

廣武君辭謝曰臣敗亡之虜何足以權大事

乎

權所以稱物見其輕重也左車蓋謂兵者國之大事如已者敗亡之餘不足以審處其輕重

信曰

僕聞之百里奚居虞而虞亡在秦而秦霸

百里奚虞之大夫虞公不

能用以亡秦穆公信而用之遂霸西戎

非愚于虞而智于秦也用與不用

聽與不聽也誠令成安君聽足下計若信者亦已為禽

矣以不用足下故信得侍耳

言得侍左右以求教

今僕委心歸計

願足下勿辭廣武君曰今將軍涉西河虜魏王禽夏說

東下井陘不終朝而破趙二十萬衆誅成安君名聞海

內威震天下農夫莫不輟耕釋耒榆衣甘食

榆音瑜靡也此言當

時之人畏信之威聲不能自得其生業皆輟耕釋耒傾

耳以待命者此將軍之所長也然而衆勞卒罷

罷讀其日疲

實難用今將軍欲舉倦敝之兵頓之燕堅城之下欲戰

不得攻之不拔情見勢屈

兵說道也乘勢以為用者也見顯露也屈盡也吾之情見

則敵知所備勢屈則敵得乘吾之敝矣見賢遍翻屈其勿翻

曠日持久糧食單竭

單與

殫同

盡也燕既不服齊必距境以自彊燕齊相持而不下則

劉項之權未有所分也此將軍所短也善用兵者不以

短擊長而以長擊短韓信曰然則何由

由從也言當從何計也

廣

武君對曰方今為將軍計莫如按甲休兵鎮撫趙民百

里之內牛酒日至以饗士大夫北首燕路

首式敕翻頭之所向曰首

而後遣辨士奉咫尺之書

師古曰八寸曰咫尺尺者言其簡牘或長咫或長尺喻輕

率也暴其所長于燕暴顯也示也露也燕必不敢不聽從燕已從

而東臨齊雖有智者亦不知為齊計矣如是則天下事

皆可圖也兵固有先聲而後實者此之謂也韓信曰善

從其策發使使燕燕從風而靡遣使報漢且請以張耳

王趙漢王許之楚數使奇兵渡河擊趙數所角翻張耳韓信

往來救趙因行定趙城邑發兵詣漢甲戌晦月盡日為晦

有食之十一月癸卯晦日有食之隨何至九江九江

太宰主之此太宰非周官之太宰漢奉常屬官有太宰師古曰具食之官信使入國必使人為之主時布

使太宰
主何也

三日不得見隨何說太宰曰王之不見何必以

楚為彊漢為弱也此臣之所以為使

說輸芮翻下同使疏吏翻

使何

得見言之而是大王所欲聞也言之而非使何等二十

人伏斧質九江市足以明王倍漢而與楚也

倍與背同蒲妹翻

太宰乃言之王王見之隨何曰漢王使臣敬進書大王

御者竊怪大王與楚何親也九江王曰寡人北鄉而臣

事之隨何曰大王與項王俱列為諸侯北鄉而臣事之

者

鄉讀曰嚮下同

必以楚為彊可以託國也項王伐齊身負版

築為士卒先

李奇曰版牆版也築杵也

大王宜悉九江之衆身自將

之為楚前鋒

將即亮翻

今乃發四千人以助楚夫北面而臣

事人者固若是乎漢王入彭城項王未出齊也大王宜

悉九江之兵渡淮日夜會戰彭城下大王乃撫萬人之

衆無一人渡淮者垂拱而觀其孰勝

垂拱者垂衣拱手也

夫託國

於人者固若是乎大王提空名以鄉楚而欲厚自託臣

竊為大王不取也然而大王不背楚者以漢為弱也夫

楚兵雖彊天下負之以不義之名以其背盟約而殺義

帝也

背誦
妹翻

漢王收諸侯還守成臯滎陽下蜀漢之粟深

溝壁壘分卒守徼乘塞

徼徼也凡邊謂之邊徼蓋使人
徼徼機禁姦非因以名之索隱

曰徼謂邊境亭障以徼繞邊陲常守之
也徼吉弔翻乘登也登塞垣而守之

楚人深入敵國

八九百里

言楚自彭城至滎陽成臯中間有梁地間之
彭越時反梁地是楚之敵國也故云深入敵

國八九
百里

老弱轉糧千里之外漢堅守而不動楚進則不

得攻退則不能解故曰楚兵不足恃也使楚勝漢則諸

侯自危懼而相救夫楚之彊適足以致天下之兵耳故

楚不如漢其勢易見也今大王不與萬全之漢而自託

於危亡之楚臣竊為大王惑之

易以鼓翻為于偽翻

臣非以九江

之兵足以亡楚也大王發兵而倍楚項王必留留數月

漢之取天下可以萬全臣請與大王提劍而歸漢漢王

必裂地而封大王又況九江必大王有也九江王曰請

奉命陰許畔楚與漢未敢洩也楚使者在九江舍傳舍

傳舍客舍也前客舍之而去後客復來舍之傳相受也故謂之傳舍傳直應翻

方急責布發兵

隨何直入坐楚使者上曰九江王已歸漢楚何以得發

兵布愕然楚使者起何因說布曰事已構

師古曰構結也言背楚之

事已結成

可遂殺楚使者無使歸而疾走漢并力布曰如使

者教於是殺楚使者因起兵而攻楚楚使項聲龍且攻

九江

且子余翻龍姓且名

數月龍且破九江軍布欲引兵走漢恐

楚兵殺之乃間行與何俱歸漢十二月九江王至漢漢

王方踞床洗足召布入見

見賢通翻

布大怒悔來欲自殺及

出就舍帳御飲食從官皆如漢王居布又大喜過望

師古

曰高帝以布先久為王恐其意自尊大故峻其禮令布折服已而美其帷帳厚其飲食多其從官以悅其心此權道也帳若今之帳設也御服御也從才用翻於是乃使人入九江楚已使項

伯收九江兵盡殺布妻子布使者頗得故人幸臣將衆

數千人歸漢漢益九江王兵與俱屯成臯楚數侵奪漢

甬道

數所
角翻

漢軍乏食漢王與酈食其謀撓楚權

食其音
異基梳

女教
也字從木

食其曰笮湯伐桀封其後於杞武王伐紂封

其後於宋今秦失德棄義侵伐諸侯滅其社稷使無立

錐之地陛下誠能復立六國之後此其君臣百姓必皆

戴陛下之德莫不嚮風慕義願為臣妾德義已行陛下

南鄉稱霸楚必歛衽而朝

衽衣襟也鄉讀
曰嚮朝直遙翻

漢王曰善趣

刻印先生因行佩之矣

言將使食其行使六國授之以印而使佩之趣讀曰促下同

食其未行張良從外來謁漢王方食曰子房前

子房張良字

客有為我計橈楚權者具以酈生語告良曰何如良曰誰為陛下畫此計者陛下事去矣漢王曰何哉對曰臣

請借前箸為大王籌之

時漢王方食故良言願借食前之箸就用指畫酈玄曰今人或

謂箸為挾提

管湯武封桀紂之後者度能制其死生之命也

度徒洛翻

今陛下能制項籍之死命乎其不可一也武王入

殷表商容之間釋箕子之囚封比干之墓

商容殷賢人里門曰閭表

顯異也。紂囚箕子，殺比干，武王克殷，釋箕子，囚紂。比干墓，韓詩外傳曰：「商容執羽籥，馮於馬徒，欲以化紂，而不能遂，去伏於太行山。」武王欲以為三公，辭而不受。鄭玄曰：「商家樂官，知禮容，所以禮署稱容臺。」今陛下

下能乎其不可二也，發巨橋之粟，散鹿臺之錢。

服虔曰：巨橋，倉。

名許慎曰：「鉅鹿之大橋有漕，粟杜佑曰：「鉅橋倉在今廣平郡曲周縣。」臣瓚曰：「鹿臺今在朝歌城中。」劉向曰：「其大三里，高千尺。」以賜貧窮。今陛下能乎其不可三也。殷事已畢。

偃革為軒。

蘇林曰：「革者，兵車也。軒者，朱軒，皮軒也。謂廢兵車而用乘車也。」說文曰：「軒，曲周屏車如淳

曰：「革者，革車也。軒者，赤轂，乘軒也。偃，武備而治禮樂也。」

倒載干戈，示天下不復用。

兵。今陛下能乎其不可四也。

復扶又翻

休馬華山之陽，示以

無為令陛下能乎其不可五也

華戶化翻

放牛桃林之陰

晉灼

曰桃林在弘農閼鄉南谷中山海經曰夸父之山北有林焉名曰桃林廣圍三百里十三州記弘農有桃丘聚

即桃林也師古曰桃林山谷在閼鄉縣東南西南去湖城縣三十五里

以示不復輸積今

陛下能乎其不可六也天下游士離其親戚棄墳墓去

故舊從陛下游者徒欲日夜望咫尺之地今復立六國

之後天下游士各歸事其主從其親戚反其故舊墳墓

陛下誰與取天下乎其不可七也且夫楚唯無彊六國

立者復撓而從之

服虔曰惟當使楚無彊彊則六國弱而從之晉灼曰當今惟楚大無有彊

之者若復立六國六國皆撓陛下焉得而臣之其不可而從之陛下安得而臣之乎

八也誠用客之謀陛下事去矣漢王輟食吐哺罵曰

音哺

步食在口中者 豎儒幾敗而公事

而汝也公尊稱也高祖嫚罵人率曰而公乃公蓋自尊辭

幾居 依翻 令趣銷印

荀悅論曰夫立策決勝之術其要有三一曰形二曰

勢三曰情形者言其大體得失之數也勢者言其臨

時之宜進退之機也情者言其心志可否之實也故

策同事等而功殊者三術不同也初張耳陳餘說陳

涉以復六國自為樹黨

事見七卷秦二世元年

酈生亦說漢王

所以說者同而得失異者陳涉之起天下皆欲亡秦而楚漢之分未有所定今天下未必欲亡項也故立六國於陳涉所謂多已之黨而益秦之敵也且陳涉未能專天下之地也所謂取非其有以與於人行虛惠而獲實福也立六國於漢王所謂割已之有而以資敵設虛名而受實禍也此同事而異形者也及宗義待秦趙之斃

事見八卷秦二世三年

與昔卞莊刺虎同說者

也

下莊子刺虎管豎子止之曰兩虎方食牛牛甘必爭鬪則大者傷小者亡從傷而刺一舉必有兩獲

莊子然之果獲二虎

施之戰國之時鄰國相攻無臨時之急則

可也戰國之立其日久矣一戰勝敗未必以存亡也

其勢非能急於亡敵國也進乘利還自保故累力待

時乘敵之斃其勢然也今楚趙所起其與秦勢不並

立安危之機呼吸成變進則定功還則受禍此同事

而異勢者也伐趙之役韓信軍於泑水之上而趙不

能敗

事見上卷三年

彭城之難漢王戰于睢水之上士卒皆

赴入睢水而楚兵大勝

事見上卷二年難乃旦翻

何則趙兵出國

迎戰見可而進知難而退懷內顧之心無出死之計

韓信軍孤在水上士卒必死無有二心此信之所以

勝也漢王深入敵國置酒高會士卒逸豫戰心不固

楚以彊大之威而喪其國都

喪息浪翻

士卒皆有憤激之

氣救敗赴亡之急以決一旦之命此漢之所以敗也

且韓信選精兵以守而趙以內顧之士攻之項羽選

精兵以攻而漢以怠惰之卒應之此同事而異情者

也故曰權不可豫設變不可先圖與時遷移應物變化設策之機也

漢王謂陳平曰天下紛紛何時定乎陳平曰項王骨鯁

之臣亞父鍾離昧龍且周殷之屬

鍾離古鍾離子之後以國為姓龍姓出于

龍伯氏又曰出于舜納言之龍師古曰昧莫曷翻其字從本末之末且子余翻

不過數人耳大

王誠能捐數萬斤金行反間間其君臣以疑其心

間古覓翻

項王為人意忌信讒必內相誅漢因舉兵而攻之破楚

必矣漢王曰善乃出黃金四萬斤與平恣所為不問其

出入平多以金縱反間於楚軍宣言諸將鍾離昧等為
項王將功多矣然而終不得裂地而王欲與漢為一以
滅項氏而分王其地項羽果意不信鍾離昧等夏四月
楚圍漢王於滎陽急漢王請和割滎陽以西者為漢亞
父勸羽急攻滎陽漢王患之項羽使使至漢陳平使為

大牢具

大讀曰太古者諸侯遣使交聘其牢禮各如其
命數以三牲具為一牢秦滅古法軍興之時不

能備古之牢禮故以太牢具為盛禮孔穎達曰按周禮
膳夫王日一舉鼎十有二物謂太牢也是周公制禮天
子曰食太牢則諸侯曰食少牢大夫曰食特牲士曰食
特豚至後世衰亂玉藻云天子曰食少牢朔月太牢諸

侯曰食特牲朔月少牢則知大夫曰食特豚朔月特牲
士曰食無文朔月特豚故內則云見子具朔食註云天
子太牢諸侯少牢大夫特豕士特豚諸侯祭以太牢得
殺牛諸侯之大夫祭以少牢得殺羊天子大夫祭亦得
殺牛其諸侯及大夫饗賓賓得用牛也故大行人掌客
諸侯待賓皆用牛也公食大夫禮大夫食賓禮亦用牛

也

舉進見楚使即佯驚曰吾以為亞父使乃項王使復

持去更以惡草具進楚使

服虔曰去肴肉更以惡草之具惡粗惡草草率也楚

使歸具以報項王項王果大疑亞父亞父欲急攻下滎

陽城項王不信不肯聽亞父聞項王疑之乃怒曰天下

事大定矣君王自為之願賜骸骨歸未至彭城疽發背

而死

疽千余翻
癰瘡也

五月將軍紀信言於漢王曰事急矣臣

請誑楚

誑居况
翻欺也

王可以間出

間古
覓翻

於是陳平夜出女子

東門二千餘人楚因四面擊之紀信乃乘王車黃屋左

纛

李斐曰天子車以黃繒為蓋裏纛羽幢也在乘輿車
衡左方上柱之蔡邕曰以犛牛尾為之大如斗或在

駢頭或在衡應劭曰雉尾為之在左駢當鑣上師古曰
應說非爾雅翼犛西南夷長髦牛也似牛而四節腹下
及肘皆有赤毛長尺餘而尾尤佳其大如斗天子之車
左纛以此牛尾為之繫之左駢馬輓上蓋馬在中曰服
在外曰駢駢即駢也安最外馬頭上以
亂馬目不令相見也纛徒倒翻又音毒曰食盡漢王降

楚皆呼萬歲之城東觀以故漢王得與數十騎出西門

遁去令韓王信與周苛魏豹縱公守滎陽

縱千容翻

羽見紀

信問漢王安在曰已出去矣羽燒殺信周苛縱公相謂

曰反國之王難與守城因殺魏豹漢王出滎陽至成臯

入關收兵欲復東轅生說漢王曰

轅姓也姓譜陳大夫轅濤塗之後以其所

本考之亦與爰袁二姓通

漢與楚相距滎陽數歲漢常困願君王出

武關項王必引兵南走王深壁勿戰令滎陽成臯間且

得休息使韓信等得安輯河北趙地連燕齊

師古曰輯與集同謂

和合也詩序曰勞來還定安集之春秋左氏傳曰羣臣輯睦他皆類此

君王乃復走滎陽

如此則楚所備者多力分漢得休息復與之戰破之必

矣漢王從其計出軍宛葉間

班志二縣屬南陽郡史記正義曰宛鄧州縣葉汝州

縣宛於元翻葉式涉翻

與黥布行收兵羽聞漢王在宛果引兵南

漢王堅壁不與戰漢王之敗彭城解而西也彭越皆亡

其所下城獨將其兵北居河上常往來為漢游兵擊楚

絕其後糧是月彭越渡睢與項聲薛公戰下邳破殺薛

公

睢音雖

羽乃使終公守成皐

終姓也姓譜曰陸終之後

而自東擊彭

越漢王引兵北擊破終公復軍成皐六月羽已破走彭

越聞漢復軍成臯乃引兵西拔滎陽城生得周苛羽謂

苛為我將以公為上將軍封三萬戶周苛罵曰若不趨

降漢今為虜矣若非漢王敵也羽烹周苛并殺縱公而

虜韓王信遂圍成臯漢王逃

漢書逃作跳如淳音逃史記項羽紀作逃索隱曰徒

彫翻晉灼曰跳獨出意如淳曰逃謂走也余謂左氏傳例民逃其上曰潰在上曰逃太史公蓋用此例溫公仍

之逃當如字

獨與滕公共車出成臯玉門

張晏曰玉門成臯北門

北渡

河宿小修武傳舍

晉灼曰在大修武城東

晨自稱漢使馳入趙壁

張耳韓信未起即其卧内奪其印符以麾召諸將易置

之信耳起乃知漢王來大驚漢王既奪兩人軍即令張

耳循行備守趙地

行下孟翻

拜韓信為相國收趙兵未發者

擊齊諸將稍稍得出成臯從漢王楚遂拔成臯欲西漢

使兵距之鞏

班志鞏縣屬河南郡即東周君所居汝洛地圖云鞏固也鞏縣在洛水之間言四面

有山可

令其不得西

秋七月有星孛于大肉

隋天文志孛彗

之屬也偏指曰彗芒氣四出曰孛孛者孛孛然非常惡氣之所生也內不有大亂必有大兵天下合謀暗敵不明有所傷害晏子曰君若不改孛星將出彗何懼乎由是言之災甚於彗孛蒲內翻又蒲沒翻班志房南衆星曰騎官左角理右角將大肉者天王帝坐廷

臨江王敖薨子尉嗣

漢王

得韓信軍復大振八月引兵臨河南鄉軍小修武欲復

與楚戰

鄉讀曰嚮復扶又翻

郎中鄭忠說止漢王

漢制議郎中郎秩比六百石侍

郎比四百石郎中比三百石皆屬郎中令說式內翻

使高壘深塹勿與戰

塹七翻

王聽其計使將軍劉賈盧綰將卒二萬人

綰烏板翻

騎數百

度白馬津入楚地佐彭越燒楚積聚以破其業

師古曰積聚所

蓄軍糧芻藁之屬也積子賜翻聚才喻翻

無以給項王軍食而已楚兵擊劉

賈賈輒堅壁不肯與戰而與彭越相保

彭越攻徇梁

地下睢陽外黃等十七城

睢陽秦縣屬碭郡漢屬梁國故微子所封國也唐為宋州

宋城縣杜佑曰漢外黃故城在陳留郡雍丘縣東春秋齊桓公會諸侯於葵丘即此九月項王謂

大司馬曹咎曰謹守成臯即漢王欲挑戰

挑徒了翻

慎勿與

戰勿令得東而已我十五日必定梁地復從將軍羽引兵東行擊陳留外黃睢陽等城皆下之漢王欲捐成

臯以東屯鞏洛以距楚酈生曰臣聞知天之天者王事

可成王者以民為天而民以食為天

大戴禮曰食穀者知慧而巧古史考

曰古者茹毛飲血燧人氏鑽火而人始裹肉而燔之曰炮神農時人方食穀加米於燒石之上而食之及黃帝時始有釜甑火食之道成矣夫教倉天下轉輸久矣臣聞其下乃有

藏粟甚多楚人拔滎陽不堅守敖倉乃引而東令適卒

分守成臯

適讀曰適卒謂卒之有罪適者所謂適戍也

此乃天所以資漢也

方今楚易取而漢反却

易以敗翻

自奪其便臣竊以為過矣

且兩雄不俱立楚漢久相持不決海內搖蕩農夫釋耒

耒手耕曲木也

工女下機天下之心未有所定也願足下急復

進兵收取滎陽據敖倉之粟塞成臯之險杜大行之道

距蜚狐之口

如淳曰上黨壺關也瓚曰飛狐口在代郡師古曰瓚說是壺關無飛狐之名地道記

恒山在上曲陽縣西北百四十里北行四百五十里得恒山岵號飛狐口北則代郡也水經註代郡南四十里

有蜚狐關史記正義曰按蔚州飛狐縣北百五十里有秦漢故代郡城西南有山俗號蜚狐口塞悉則翻行戶

剛守白馬之津以示諸侯形制之勢謂因地形而據之以制敵則天

下知所歸矣王從之乃復謀取敖倉食其又說王曰方

今燕趙已定唯齊未下諸田宗彊負海岱阻河濟齊地東至

海南至太山故曰負海岱西阻清濟北阻濁河故曰阻河濟濟子禮翻南近於楚近其人

多變詐足下雖遣數萬師未可以歲月破也臣請得奉

明詔說齊王使為漢而稱東藩考異曰史記漢書皆以食其勸取敖倉及請說

齊合為一事獨劉向新序分為二臣謂分為二者是上曰善乃使酈生說齊王曰

王知天下之所歸乎王曰不知也天下何所歸酈生曰
歸漢曰先生何以言之曰漢王先入咸陽項王負約王
之漢中項王遷殺義帝漢王聞之起蜀漢之兵擊三秦
出關而責義帝之處收天下之兵立諸侯之後降城即
以侯其將得賂即以分其士與天下同其利豪英賢才
皆樂為之用樂音洛項王有倍約之名殺義帝之負毛晃曰背
恩亡德曰負倍與背同蒲妹翻於人之功無所記於人之辜無所忘戰
勝而不得其賞拔城而不得其封非項氏莫得用事天

下畔之賢才怨之而莫為之用故天下之事歸於漢王

可坐而策也夫漢王發蜀漢定三秦涉西河破北魏河

砥柱以上龍門以下為西河索隱曰北魏謂魏王豹豹國於河北故也亦謂之西魏以大梁於安邑為東也

出井陘誅成安君此非人之力也天之福也今已據敖

倉之粟塞成臯之險守白馬之津杜大行之阪距蜚狐

之口天下後服者先亡矣酈生之說形格勢禁之說也蓋據敖倉塞成臯則項羽不

能西守白馬杜太行距蜚狐則河北燕趙之地盡為漢有齊楚將安歸乎白馬津在唐滑州太行阪在唐澤州

界杜佑曰蔚州飛狐縣漢廣昌縣地飛狐口王疾先下

漢王齊國可得而保也不然危亡可立而待也先是齊

聞韓信且東兵使華無傷田解將重兵屯歷下以距漢

先悉薦翻華戶化翻姓也姓譜宋華父督始立華氏張
揖曰濟南歷山之下余據酈食其傳曰軍於歷城則歷

下即濟南
郡歷城縣及納酈生之言遣使與漢平乃罷歷下守戰

備與酈生日縱酒為樂樂音洛韓信引兵東未度平原聞

酈食其已說下齊欲止辨士蒯徹說信曰將軍受詔擊

齊而漢獨發間使下齊間古覓翻
使疏吏翻寧有詔止將軍乎何

以得毋行也且酈生一士伏軾掉三寸之舌軾車前橫
木人所憑

者掉徒釣
翻搖也

下齊七十餘城將軍以數萬衆歲餘乃下趙

五十餘城為將數歲反不如一豎儒之功乎於是信然
之遂渡河

四年冬十月信襲破齊歷下軍遂至臨淄齊王以酈生

為賣已乃烹之引兵東走高密

高密縣在膠西宣帝本
始元年為高密國宋白

曰高密春秋時
晏平仲所食邑

使使之楚請救田橫走博陽

此據史記
也班書作

橫走博博陽近清河博關此正韓信自趙進兵之路臨
淄既破君相皆出走其後韓信既虜田廣於濰水灌嬰
又敗田橫於贏下贏縣亦屬太山郡括地志故贏城在
兗州博城縣東北百里唐之博城漢太山之博縣此博

陽即博城之陽

守相田光走城陽

相息亮翻

將軍田既軍於膠東

地括

志即墨故城在萊州膠水縣南六十里古齊地漢為膠東國以其地在膠水之東也

楚大司馬

咎守成臯漢數挑戰

數所角翻挑徒了翻

楚軍不出使人辱之數

日咎怒渡兵汜水

張晏曰汜水在濟陰界如淳曰汜音祀左傳曰鄙在鄭地汜臣瓚曰高祖

攻曹咎於成臯咎渡汜水而戰今成臯城東汜水是也師古曰瓚說得之此水不在濟陰也鄙在鄭地汜釋者

云在襄城則亦非此汜水舊讀音凡今彼鄉人呼之音祀索隱曰此水今見名汜水音似臣瓚說是張晏曰在

濟陰亦未全失按古濟水當此截河而南又東流溢為滎澤水南曰陰此亦在濟之陰非彼濟陰郡耳括地志

汜水源出洛州汜水縣東南三十二里方山山海經浮戲之山汜水出焉士卒半渡漢擊之

大破楚軍盡得楚國金玉貨賂咎及司馬欣皆自剄

水上漢王引兵渡河復取成臯軍廣武

孟康曰於滎陽築兩城相對為

廣武在敖倉西三皇山上括地志東廣武西廣武在鄭州滎陽縣西二十里戴延之西征記曰三皇山上有二城東曰東廣武西曰西廣武各在一山頭相去百步汴水從廣澗中東南流今澗無水城各有三面在敖倉西郭緣生述征記曰一澗橫絕上過名曰廣武相對皆立城塹遂號東西廣武就敖倉食項羽

下梁地十餘城聞成臯破乃引兵還漢軍方圍鍾離昧

於滎陽東聞羽至盡走險阻羽亦軍廣武與漢相守數

月楚軍食少項王患之乃為俎置太公其上告漢王曰

今不急下吾烹太公漢王曰吾與羽俱北面受命懷王

約為兄弟吾翁即若翁必欲烹而翁幸分我一桮羹

如淳

曰俎高几之上也李奇曰軍中巢櫓謂之俎師古曰俎者所以薦肉示欲烹之故置俎上如說是俎在呂翻方言周晉秦隴謂父為翁若汝也而亦汝也古者以桮盛羹今之側盃有兩耳者也項王怒欲殺

之項伯曰天下事未可知且為天下者不顧家雖殺之

無益祇益禍耳項王從之項王謂漢王曰天下匈匈數歲

者

師古曰匈匈喧擾之意公休許容翻

徒以吾兩人耳願與漢王挑戰決

雌雄毋徒苦天下之民父子為也漢王笑謝曰吾寧關

智不能鬪力項王三令壯士出挑戰漢有善騎射者樓

煩輒射殺之

應劭曰樓煩胡人也李奇曰後為縣屬雁門此縣人善騎射謂士為樓煩取其稱耳

未必樓煩人也師古曰李奇說是射而亦翻

項王大怒乃自被甲持戟挑戰

樓煩欲射之項王瞋目叱之

瞋目真翻

樓煩目不敢視手不

敢發遂走還入壁不敢復出漢王使人間問之

間問微問也

工覓翻

乃項王也漢王太驚於是項王乃即漢王

即就也從也

相與臨廣武間而語羽欲與漢王獨身挑戰漢王數羽

曰

數所具翻

羽負約王我於蜀漢罪一矯殺卿子冠軍罪二

救趙不還報而擅劫諸侯兵入關罪三燒秦宮室掘始

皇帝冢收私其財罪四

收私者收取其財以為私有

殺秦降王子嬰

罪五詐阬秦子弟新安二十萬罪六王諸將善地而徙

逐故王罪七出逐義帝彭城自都之奪韓王地并王梁

楚多自與罪八使人陰殺義帝江南罪九為政不平主

約不信天下所不容大逆無道罪十也吾以義兵從諸

侯誅殘賊使刑餘罪人擊公何苦乃與公挑戰羽大怒

伏弩射中漢王漢王傷臂乃捫足曰虜中吾指

捫音門
摸也師

古曰傷胃而捫足者以安衆也中竹仲翻

漢王病創卧

創初良翻

張良彊請漢王

起行勞軍以安士卒

彊其兩翻勞力到翻

毋令楚乘勝漢王出行軍

下

孟翻疾甚因馳入成臯

韓信已定臨淄遂東追齊王項

王使龍且將兵號二十萬以救齊與齊王合軍高密客

或說龍且曰漢兵遠鬪窮戰其鋒不可當齊楚自居其

地兵易敗散

孫子九地諸侯自戰其地為散地曹操曰士卒戀土道近易散者也易以鼓翻下同

不如深壁令齊王使其信臣招所亡城

信臣常所親信之臣也

亡

城聞王在楚來救必反漢漢兵二千里客居齊地齊城

皆反之其勢無所得食可無戰而降也龍且曰吾平生

知韓信為人易與耳寄食於漂母無資身之策受辱於

袴下無兼人之勇

事見上卷元年

不足畏也且夫救齊不戰而

降之吾何功今戰而勝之齊之半可得也十一月齊楚

與漢夾濰水而陳

徐廣曰濰水出東莞而東北流至北海都昌縣入海索隱曰濰水出琅邪

箕縣東北至都昌入海水經註濰水逕高密縣故城西韓信與龍且夾水而陳即此處濰音維陳讀曰陣韓

信夜令人為萬餘囊滿盛沙壅水上流

盛時征翻

引軍半渡

擊龍且佯不勝還走龍且果喜曰固知信怯也遂追信

信使人決壅囊水大至龍且軍大半不得渡即急擊殺

龍且水東軍散走齊王廣亡去信遂追北至城陽虜齊

王廣

史記正義曰城陽雷澤縣是也在濮州東南九十一里予據班志濟陰郡城陽縣雷澤在西北此梁

地也自濰水追北至城陽此乃漢城陽國之漢將灌嬰

地正義此誤與上卷二年田橫起城陽同

追得齊守相田光進至博陽田橫聞齊王死自立為齊

王還擊嬰嬰敗橫軍於贏下田橫亡走梁歸彭越嬰進

擊齊將田吸於千乘

千乘縣屬北海郡高祖分置千乘郡括地志千乘故城在淄州高苑

縣北二十五里乘繩證翻曹參擊田既於膠東皆殺之盡定齊地

立張耳為趙王 漢王疾愈西入關至櫟陽梟故塞王

欣頭櫟陽市

師古曰縣首於水上曰梟索隱曰欣自劉於汜水上今梟之櫟陽者以其故都故梟

以示之也留四日復如軍軍廣武 韓信使人言漢王曰齊

偽詐多變反覆之國也南邊楚

師古曰邊近也

請為假王以鎮

之漢王發書大怒罵曰吾困於此旦暮望若來佐我乃

欲自立為王張良陳平躡漢王足因附耳語曰漢方不

利寧能禁信之自王乎不如因而立之善遇使自為守

不然變生漢王亦悟因復罵曰大丈夫定諸侯即為真

王耳何以假為春二月遣張良操印立韓信為齊王徵

其兵擊楚

標七
刀翻

項王聞龍且死大懼使盱眙人武涉

盱眙音怡

往說齊王信曰天下共苦秦久矣相與勦力擊

秦秦已破計功割地分土而王之以休士卒今漢王復

興兵而東侵人之分

分扶
問翻

奪人之地已破三秦引兵出

關收諸侯之兵以東擊楚其意非盡吞天下者不休其

不知厭足如是甚也

厭于
鹽翻

且漢王不可必身居項王掌

握中數矣

數所角翻
史記正義色庾翻

項王憐而活之然得脫輒倍

約

倍蒲妹
翻下同

復擊項王其不可親信如此今足下雖自以

漢王為厚交為之盡力用兵必終為所禽矣足下所以

得須臾至今者以項王尚存也當今二王之事權在足

下足下右投則漢王勝左投則項王勝項王今日亡則

次取足下足下與項王有故何不反漢與楚連和參分

天下王之

參分即
三分

今釋此時而自必於漢以擊楚且為

智者固若此乎韓信謝曰臣事項王官不過郎中位不

過執戟

郎中執戟宿衛信先
仕楚為郎中故云然

言不聽畫不用故倍楚而

歸漢

倍蒲妹
翻下同

漢王授我上將軍印予我數萬衆

予讀
日與

解衣

衣我推食食我

衣衣下於既翻推吐
雷翻食食下祥史翻

言聽計用故吾得

以至於此夫人深親信我我倍之不祥雖死不易幸為

信謝項王武涉已去蒯徹知天下權在信乃以相人之

術說信曰僕相君之面不過封侯又危不安相君之背

貴乃不可言

以微言動信言背漢
則大貴也相息亮翻

韓信曰何謂也蒯徹

曰天下初發難也

難乃
旦翻

憂在亡秦而已

師古曰志在滅
秦所憂者唯此

今楚漢分爭使天下之人肝膽塗地父子暴骸骨於中

野不可勝數

暴步木翻又如字凡暴露之暴皆同勝音升

楚人起彭城轉關

逐北乘利席卷威震天下然兵困于京索之間迫西山

而不能進者三年於此矣漢王將十萬之衆距鞏雒阻

山河之險一日數戰無尺寸之功折北不救

折挫也北奔也不救

者不能自救也折而設翻

此所謂智勇俱困者也百姓罷極怨望無

所歸倚

罷讀曰疲

以臣料之其勢非天下之賢聖固不能息

天下之禍當今兩主之命縣於足下

縣讀曰懸

足下為漢則

漢勝與楚則楚勝誠能聽臣之計莫若兩利而俱存之

參分天下鼎足而居其勢莫敢先動夫以足下之賢聖

有甲兵之衆據彊齊從趙燕出空虛之地而制其後因

民之欲西鄉為百姓請命

師古曰齊國在東故曰西鄉止楚漢之戰關士卒不死亡

故曰請命鄉讀曰嚮下同

則天下風走而響應矣孰敢不聽割大弱

彊以立諸侯諸侯已立天下服聽而歸德於齊案齊之

故有膠泗之地

膠泗二水名

深拱揖讓則天下之君王相率

而朝於齊矣

師古曰深拱高拱也朝直達翻

蓋聞天與弗取反受其咎

時至不行反受其殃願足下熟慮之韓信曰漢王遇我

甚厚吾豈可鄉利而倍義乎蒯生曰始常山王成安君
為布衣時相與為刎頸之交後爭張騭陳澤之事常山
王殺成安君泝水之南頭足異處此二人相與天下至
驩也然而卒相禽者何也

辛子
恤翻

患生於多欲而人心難

測也今足下欲行忠信以交於漢王必不能固於二君
之相與也而事多大於張騭陳澤者故臣以為足下必
漢王之不危已亦誤矣大夫種存亡越霸句踐立功成
名而身死亡野獸盡而獵狗烹夫以交友言之則不如

張耳之與成安君者也以忠信言之則不過大夫種之

於句踐也

種章勇翻
句音鉤

此二者足以觀矣願足下深慮之

且臣聞勇略震主者身危功蓋天下者不賞今足下戴

震主之威挾不賞之功歸楚楚人不信歸漢漢人震恐

足下欲持是安歸乎韓信謝曰先生且休矣吾將念之

後數日蒯徹復說曰夫聽者事之候也

師古曰謂能聽
善謀也復扶又

翻計者事之機也聽過計失而能久安者鮮矣

鮮息
善反故

知者決之斷也

斷丁
亂反

疑者事之害也審毫釐之小計

毫長

毛也十毫為釐

遺天下之大數智誠知之決弗敢行者百事之

禍也夫功者難成而易敗時者難得而易失也時乎時乎

不再來韓信猶豫不忍倍漢又自以為功多漢終不奪

我齊遂謝蒯徹

謝去辭之使去也

因去佯狂為巫

秋七月立

黥布為淮南王

八月北貉燕人來致梟騎助漢

應劭曰北

貉國也梟健也張晏曰梟勇也若六博之梟也師古曰貉在東北方三韓之屬皆貉類也蓋貉人及燕皆來助

漢孔穎達曰經傳說貉多是東夷故職方掌九夷九貉鄭志荅趙商云九貉即九夷也又周官貉隸注云征東

北夷所獲貉讀與貉同

漢王下令軍士不幸死者更為衣衾棺

歛轉送其家

棺工喚翻歛力膽翻與作衣衾而歛尸於棺也轉送傳送也

四方歸心

焉

是歲以中尉周昌為御史大夫

班表為中尉秦官掌徵循京師武帝太

初元年更名執金吾

昌苛從弟也

從才用翻

項羽自知少助食盡韓

信又進兵擊楚羽患之漢遣侯公說羽請太公

太公呂后為楚

所得見上

羽乃與漢約中分天下割洪溝以西為漢以

東為楚

文穎曰於滎陽下引河東南為洪溝以通宋鄭陳蔡曹衛與濟汝淮泗會于楚即今官渡水也

應劭曰滎陽東南二十里蓋引河東南入淮泗也張華曰大梁城在浚儀縣北縣西北渠水東經此城南又北

屈分為二渠其一渠東南流始皇鑿之引河水以灌大梁謂之洪溝其一渠東經陽武縣南為官渡水杜佑曰

鄭州滎陽縣西有鴻溝楚漢分境之所

九月楚歸太公呂后引兵解而東

歸漢王欲西歸張良陳平說曰漢有天下太半

韋昭曰凡數三

分有二為太半有一分為少半

而諸侯皆附楚兵疲食盡此天亡之時

也今釋弗擊此所謂養虎自遺患也

史記正義遺唯季翻子謂音如字亦

通遺留也

漢王從之

資治通鑑卷十

欽定四庫全書

資治通鑑卷十一

宋司馬光撰

胡三省音註

漢紀三

起居維大淵獻盡重光赤奮若凡三年

太祖高皇帝中

五年冬十月漢王追項羽至固陵

徐廣曰固陵在陽夏晉灼曰即固始縣余

據班志固始與陽夏為兩縣皆屬淮陽國劉昭志陳國陽夏縣有固陵聚括地志固陵縣名在陳州宛丘縣西北四十里與齊王信魏相國越期會擊楚信越不至楚擊

漢軍大破之漢王復堅壁自守謂張良曰諸侯不從奈

何對曰楚兵且破二人未有分地

李奇曰言信越未有益地之分也韋昭曰

信等雖名為王未為分畫疆界分扶問翻余謂韋說是

其不至固宜君王能與共

天下可立致也齊王信之立非君王意

言信自請為假王乃立之耳非

君王本意

信亦不自堅彭越本定梁地始君王以魏豹故拜

越為相國

見上卷二年

今豹死越亦望王而君王不早定今

能取睢陽以北至穀城皆以王彭越

班志睢陽縣屬梁國劉昭志穀城縣

屬東郡春秋之小穀也括地志穀城故城在濟州東阿縣東二十六里睢陽宋州也自宋州以北至濟州穀城

際黃河盡以封彭越

從陳以東傳海與韓王信

陳古陳國班志之淮陽國也唐為陳

州自陳以東至于海并齊舊地盡以與齊王信

信家在楚其意欲復得故邑能

出捐此地以許兩人使各自為戰則楚易破也

易以跋翻漢

王從之於是韓信彭越皆引兵來十一月劉賈南渡淮

圍壽春遣人誘楚大司馬周殷殷畔楚以舒屠六

舒春秋之

舒國也班志舒縣屬廬江郡括地志舒今廬江之故舒城是也

舉九江兵迎黥布

史記正義

曰九江郡即壽州楚考烈王二十二年徙壽春號曰郢至王負芻為秦所滅置九江郡至唐為廬壽滁濠等州

之並行屠城父隨劉賈皆會十二月項王至垓下

李奇曰沛

浹縣聚邑名浹下交翻張揖三蒼注垓垓名在沛郡史記正義曰按垓下是高岡絕巖今猶高三四丈其聚邑及垓在垓之側因取名焉今在亳州真源縣東十里垓音該

兵少食盡與漢戰不勝

入壁漢軍及諸侯兵圍之數重

重直龍翻

項王夜聞漢軍四

面皆楚歌

應劭曰楚歌者雞鳴歌也漢已畧得楚地故楚歌者多雞鳴時歌也師古曰楚歌者為楚

人之歌猶吳歎越吟耳若以雞鳴為歌曲之名於理則可不得云雞鳴時也高祖令戚夫人楚舞自為作楚歌

豈有雞鳴時乎

乃大驚曰漢皆已得楚乎是何楚人之多也則

夜起飲帳中悲歌忼慨泣數行下

忼苦廣翻行戶剛翻泣目中淚也

左

右皆泣莫能仰視於是項王乘其駿馬名騅

騅朱惟翻蒼白雜毛

曰騅孔穎達曰雜毛是體有二種之色相間雜

麾下壯士騎從者八百餘人直

夜潰圍南出馳走平明漢軍乃覺之令騎將灌嬰以五

千騎追之項王渡淮騎能屬者纔百餘人

屬之欲翻

至陰陵

班志陰陵縣屬九江郡括地志陰陵故城在濠州定遠縣西北六十里

迷失道問一田父

田父紹曰左

紹蕩亥翻欺誑也

左乃陷大澤中以故漢追及之

項王乃復引兵而東至東城

班志東城縣屬九江郡括地志東城故城在定遠東

南五乃有二十八騎漢騎追者數千人項王自度不能

脫

度徒洛翻

謂其騎曰吾起兵至今八歲矣身七十餘戰未

嘗敗北遂霸有天下然今卒困於此

卒子恤翻

此天之亡我

非戰之罪也今日固決死願為諸君決戰必潰圍斬將

刈旗三勝之令諸君知天亡我非戰之罪也乃分其騎

以為四隊四鄉

鄉讀曰鄉

漢軍圍之數重項王謂其騎曰吾

為公取彼一將令四面騎馳下期山東為三處於是項

王大呼馳下漢軍皆披靡

呼火故翻披普彼翻史記正義曰靡言精體低垂

遂

斬漢一將是時郎中騎楊喜追項王

郎中騎即漢官所謂騎郎

項王

瞋目而叱之喜人馬俱驚辟易數里

辟頻益翻易如字師古曰辟易謂開

張而易其故處宋祈國語補音易以歧翻未知其何據

項王與其騎會為三處漢

軍不知項王所在乃分軍為三復圍之項王乃馳復斬

漢一都尉殺數十百人復聚其騎亡其兩騎耳乃謂其

騎曰何如騎皆伏曰如大王言於是項王欲東渡烏江

臣瓚曰烏江在牛渚索隱曰按晉初屬臨淮括地志烏江亭即和州烏江縣是也晉初為縣水經曰江水入北

得黃律口漢書所謂烏江亭長儀舡待項王即此地余據烏江浦在今和州烏江縣東五十里即亭長儀船待

羽烏江亭長儀船待

徐廣曰儀音儀一音俄應劭曰儀正也孟康曰儀音蟻附也附船著

岸也如淳曰南方謂整船向岸曰儀索隱曰儀字諸家各以意解耳鄒誕本作樣船以尚翻劉氏亦有此音

謂項王曰江東雖小地方千里衆數十萬人亦足王也
願大王急渡今獨臣有船漢軍至無以渡項王笑曰天
之亡我我何渡為且籍與江東子弟八千人渡江而西
今無一人還縱江東父兄憐而王我我何面目見之縱
彼不言籍獨不愧於心乎乃以所乘騅馬賜亭長令騎
皆下馬步行持短兵接戰獨籍所殺漢軍數百人身亦
被十餘創被皮義翻顧見漢騎司馬呂馬童曰若非吾
故人乎馬童面之張晏曰以故人難親斫之故背之也
如淳曰面謂不正視也師古曰如說

非面謂背之不正向也面縛亦反脅而縛之杜元
凱以為但見其面非也貢父曰面之直向之耳 指示

中郎騎王翳曰此項王也項王乃曰吾聞漢購我頭千

金邑萬戶

史記正義曰漢以一斤金為千金當一萬錢也余謂一斤金與萬戶邑多少不稱正義之

說未可據也吾為若德

班書德作得鄧展曰今公得我以為功也史記作德徐廣曰亦可是功德

之德史記正義曰為于偽翻言呂馬童與項羽先是故人舊有恩德於已余謂羽蓋謂我為汝自刎以德汝

乃自刎而死

刎武粉翻

王翳取其頭餘騎相蹂踐

蹂踐人

爭項

王相殺者數十人最其後楊喜呂馬童及郎中呂勝楊
武各得其一體五人共會其體皆是故分其戶封五人

皆為列侯

呂馬童封中水侯王翳封杜衍侯楊喜封赤泉侯楊武封吳防侯呂勝封涅陽侯

楚

地悉定獨魯不下

秦魯縣屬薛郡項羽初封於此漢為魯國

漢王引天下兵

欲屠之至其城下猶聞絃誦之聲為其守禮義之國為

主死節乃持項王頭以示魯父兄魯乃降漢王以魯公

禮葬項王於穀城

宋白曰宋州穀熟縣古穀城也漢於此置薄縣又改為穀陽縣

親為

發哀哭之而去

偽為于翻

諸項氏枝屬皆不誅封項伯等四

人皆為列侯賜姓劉氏諸民略在楚者皆歸之

太史公曰羽起隴畝之中

畝古畝字

三年遂將五諸侯滅

秦

此時山東六國而齊趙韓魏燕並起從羽伐秦故云五諸侯

分裂天下而封王

侯政由羽出位雖不終近古以來未嘗有也及羽背

關懷楚

師古曰背關謂背約不王沛公於關中懷楚謂思東歸彭城也余謂背關懷楚文意一貫

言羽棄背關中之形勝而懷鄉歸楚也不必分為兩節背蒲妹翻

放逐義帝而自立

怨王侯叛已難矣自矜功伐奮其私智而不師古謂

霸王之業欲以力征經營天下五年卒亡其國

卒子恤翻

身死東城尚不覺悟而不自責乃引天亡我非用兵

之罪也豈不謬哉

揚子法言或問楚敗垓下方死曰天也諒乎曰漢屈

羣策羣策屈羣力

諒信也
屈盡也

楚傲羣策而自屈其力

傲徒

對翻
惡也

屈人者克自屈者負天曷故焉

溫公曰何
預天事

漢王還至定陶

班志定陶縣屬濟陰郡古
之陶邑宋為廣濟軍理所

馳入齊王信

壁奪其軍

臨江王共尉不降

共敖項羽封為臨
江王尉其子也

遣盧

綰劉賈擊虜之

春正月更立齊王信為楚王王淮北

都下邳

更工
衛翻

封魏相國建城侯彭越為梁王王魏故地

都定陶

令曰兵不得休八年萬民與苦甚

如淳師古
皆曰與戈

庶翻貢父曰與讀曰歟助辭

今天下事畢其赦天下殊死以下

如淳曰殊

死死罪之明白也左傳曰斬其木而弗殊韋昭曰殊死斬刑也師古曰殊絕也異也言其身首離絕而異處貢父曰子按說文漢蠻夷殊然則殊自死刑之名諸侯王皆上疏請尊漢王為

皇帝二月甲午王即皇帝位于汜水之陽

蔡邕曰上古天子稱皇其

次稱帝其次稱王秦承三王之末自以德兼三皇五帝故并以為號漢高受命因而不改張晏曰汜水在濟陰界取其汜愛弘大而潤下也師古曰據叔孫通傳為皇帝于定陶則此水在濟陰是也括地志漢高祖即位壇在曹州濟陰縣更王后曰皇后太子曰皇太子追尊先

界汜數劍翻

媼曰昭靈夫人

高祖母曰劉媪文潁曰幽州及漢中皆謂老嫗為媼師古曰媪女老稱音烏老

翻

詔曰

如淳曰詔告也自秦漢以下惟天子獨稱之漢制度帝之下書有四一曰策書二曰制書三曰

詔書四曰議敕策書者編簡也其制長二尺短者半之策書起年月日稱皇帝以命諸侯王三公以罪免亦賜策而以隸書用尺一木兩行此為異也制書帝者制度之命其文曰制詔三公皆璽封尚書令印重封露布州郡也詔書詔告也其文曰告某官如故事議敕謂敕刺史太守其文曰有詔敕某官他皆倣此故衡山

王吳芮從百粵之兵佐諸侯誅暴秦有大功諸侯立以

為王項羽侵奪之地謂之番君其以芮為長沙王

吳芮封衡

山王都邾今封長沙王都臨湘番禺何翻

又曰故粵王無諸世奉粵祀秦侵

奪其地使其社稷不得血食諸侯伐秦無諸身率閩中

兵以佐滅秦項羽廢而弗立今以為閩粵王王閩中地

粵王無諸句踐之後秦取其地置閩中郡今復以封之師古曰閩越今泉州建安是其地徐廣曰今建安侯官地史記正義曰今閩州又改為福應劭曰閩音文飾之文師古曰非也音緙閩人本蛇種故其字從虫帝

西都洛陽 夏五月兵皆罷歸家 詔民前或相聚保

山澤不書名數今天下已定令各歸其縣復故爵田宅

復扶目吏以文法教訓辨告師古曰辨告者分別義理以曉喻之勿笞辱

軍吏卒爵及七大夫以上皆令食邑臣瓚曰秦制列侯乃得食邑今七大

夫以上皆食邑所以寵之也師古曰七大夫公大夫也爵第七故謂之七大夫非七大夫已下

皆復其身及戶勿事

應劭曰不輸戶賦也如淳曰事謂役使也師古曰復其身及一戶之

內皆不徭賦也復方目翻

帝置酒洛陽南宮

括地志南宮在洛州洛陽縣東北二十六

里洛陽故城中輿地志秦時洛陽已有南北宮

上曰

蔡邕曰上者尊位所在也但言上不敢言尊號耳

徹侯諸將毋敢隱朕皆言其情

徹通也應劭曰言其功德通於王室也後避武

諱改曰通侯亦曰列侯

吾所以有天下者何項氏之所以失天下

者何高起王陵對曰

張晏曰詔使高官者起故陵先對臣瓚曰漢帝年紀有信平侯臣陵

都武侯臣起魏相邴吉奏高祖時奏事有將軍臣陵臣起師古曰張說非也若言高官者起則丞相蕭何太尉

盧綰及張良陳平之屬皆在陵不得而先陛下使人攻對也先譜齊太公之後食采於高因氏焉

城畧地因以與之與天下同其利項羽不然有功者害之賢者疑之此其所以失天下也上曰公知其一未知其二夫運籌帷幄之中決勝千里之外吾不如子房填

國家撫百姓給餉餽不絕糧道吾不如蕭何

填讀曰鎮餽與饋同

連百萬之衆戰必勝攻必取吾不如韓信三者皆人傑吾能用之此吾所以取天下者也項羽有一范增而不

能用此所以為我禽也羣臣說服

說讀曰悅

韓信至楚召漂

母賜千金召辱已少年令出跨下者以為中尉

事見九卷元年

漂匪
妙翻

告諸將相曰此壯士也方辱我時我寧不能殺之

邪殺之無名故忍而就此 彭越既受漢封田橫懼誅

與其徒屬五百餘人入海居島中

海中山曰島史記正義曰海州東海縣有

島山去岸八十里余按北史楊愔避讒東入
田橫島是島以橫居之而得名島丁老翻

帝以田橫

兄弟本定齊地齊賢者多附焉今在海中不取後恐為

亂乃使使赦橫罪召之橫謝曰臣烹陛下之使酈生

見事

上卷
四年

今聞其弟商為漢將臣恐懼不敢奉詔請為庶人

守海島中使還報帝乃詔衛尉酈商曰

班表衛尉秦官掌宮門衛屯兵

齊王田橫即至人馬從者敢動搖者致族夷

從才用翻言誅夷其

也乃復使使持節具告以詔商狀

周禮司節掌守邦節辨其用以輔王命註

云節者執以行為信邦節珍圭牙璋穀圭琬圭琰圭也守邦國用玉節以玉為之守都鄙用角節以角為之邦

國之使節用金門闕之節用符貨賄之節用璽道路之節用旌審此則古之所執以為信者皆謂之節自秦以

來有璽符節則璽自璽符自符節自節分為三矣漢之節即古之旌節也鄭氏註以符節為漢宮中諸官詔符

璽節為漢之印章旌節為漢使者所持節則知漢所謂節蓋古之旌節也賢曰節者所以為信以竹為之柄長

八尺以旄牛尾為之眊三重此漢制也

曰田橫來大者王小者乃侯耳不

來且舉兵加誅焉橫乃與其客二人乘傳詣洛陽

如淳曰馮

馬高尺為置傳中足為馳傳下足為乘傳一馬二馬為
輅傳急者乘一乘傳師古曰蓋今之驛古者以車謂之
傳者皆持尺五寸木傳信封以御史大夫印章其乘傳
參封之參三也有期會累封兩端各兩封凡四封乘
置馳傳五封之兩端各二中央一輅傳兩馬再封之一
馬一封以馬駕輅車而乘傳曰一封輅傳史炤所謂依
乘符傳而行者本此但擇馬而不精語焉而不詳耳終
不若顏說簡而

未至三十里至尸鄉廄置

應劭曰尸鄉在偃師城西

臣瓚曰案廄置謂置馬以傳驛者

橫謝使者曰人臣見天子當洗沐因

止畱謂其客曰橫始與漢王俱南面稱孤

師古曰王者自稱曰孤蓋

為謙也老子道德經曰貴以賤為本高
以下為基是以侯王自謂孤寡不穀

今漢王為天

子而橫乃為亡虜北面事之其恥固已甚矣且吾烹人

之兄與其弟併肩而事主

併步頂翻

縱彼畏天子之詔不敢

動我獨不媿於心乎且陛下所以欲見我者不過欲一

見吾面貌耳今斬吾頭馳三十里間形容尚未能敗猶

可觀也遂自剄令客奉其頭從使者馳奏之帝曰嗟乎

起自布衣兄弟三人更王豈不賢哉

更工衡翻

為之流涕而

拜其二客為都尉發卒二千人以王者禮葬之

史記正義曰田

橫墓在偃師西十五里

既葬二客穿其冢傍孔皆自剄下從之帝

聞之大驚以橫客皆賢餘五百人尚在海中使使召之

至則聞田橫死亦皆自殺初楚人季布為項籍將

季姓

也周八士有季隨
季駒魯有季氏

數窘辱帝

數所角翻窘
巨隕翻困也

項籍滅帝購

求布千金敢有舍匿罪三族

舍止也
匿隱也

布乃髡鉗為奴自

賣於魯朱家

髡枯昆翻髡其髮也鉗其夾
翻以鐵束項朱家魯之大俠

朱家心知其

季布也買置田舍身之洛陽見滕公說曰季布何罪臣

各為其主用職耳

師古曰職常也言此乃常道也
一曰職主掌其事也為于偽翻

項氏

臣豈可盡誅邪今上始得天下而以私怨求一人何示

不廣也且以季布之賢漢求之急此不北走胡南走越

耳夫忌壯士以資敵國此伍子胥所以鞭荆平之墓也

伍子胥楚大夫伍奢之子也楚平王信讒而殺伍奢子胥奔吳藉吳師以破楚入郢發平王墓而鞭其尸君

何不從容為上言之

從十容翻

滕公待間言於上如朱家指

上乃赦布召拜郎中朱家遂不復見之

復扶又翻

布母弟丁

公亦為項羽將逐窘帝彭城西短兵接帝急顧謂丁公

曰兩賢豈相厄哉

孟康曰丁公及彭城賴齎追上故曰兩賢也師古曰孟說非也兩賢者高

祖自謂併與固也言吾與固俱是賢豈相厄困哉故固感此言而止也雖與賴齎同追而高祖獨與固言也姓

譜丁本自姜姓齊太公
子謚丁公因以命氏

丁公引兵而還及項王滅丁公

謁見

見賢通翻

帝以丁公徇軍中

徇辭峻翻師古曰行示也

曰丁公為項

王臣不忠使項王失天下者也遂斬之曰使後為人臣無傲丁公也

臣光曰高祖起豐沛以來罔羅豪桀招亡納叛亦已多矣及即帝位而丁公獨以不忠受戮何哉夫進取之與守成其勢不同當羣雄角逐之際民無定主來者受之固其宜也及貴為天子四海之內無不為臣

苟不明禮義以示之使為臣者人懷貳心以徼大利

則國家其能久安乎是故斷以大義

斷丁亂翻

使天下曉

然皆知為臣不忠者無所自容而懷私結恩者雖至於活已猶以義不與也戮一人而千萬人懼其慮事豈不深且遠哉子孫享有天祿四百餘年宜矣

齊人婁敬戌隴西

姓譜婁邾婁國之後一曰離婁之後

過洛陽脫輓輅

蘇林

曰輅音凍洛之洛一木橫過車前二人輓之三人推之師古曰輓音晚輅胡格翻洛音同

衣羊裘因

齊人虞將軍求見上虞將軍欲與之鮮衣婁敬曰臣衣

帛衣帛見衣褐衣褐見

衣著也帛繒也褐織毛布之衣也

終不敢易衣

於是虞將軍入言上上召見問之婁敬曰陛下都洛陽

豈欲與周室比隆哉上曰然婁敬曰陛下取天下與周

異周之先自后稷封邠

班志邠縣屬右扶風師古曰即今武功故城是史記正義曰雍

州武功縣西南二十三里故漿城是也說文曰邠炎帝之後姜姓所封國棄外家也毛萇云邠姜嫄國堯以天

因邠而生后稷故因封之於邠音吐才翻

積德累善

累古累字

十有餘世至于太

王王季文王武王而諸侯自歸之遂滅殷為天子及成

王即位周公相焉乃營洛邑以為此天下之中也諸侯

四方納貢職道里均矣有德則易以王無德則易以亡

故周之盛時天下和洽諸侯四夷莫不賓服効其貢職

及其衰也天下莫朝

朝直遙翻

周不能制也非唯其德薄也

形勢弱也今陛下起豐沛卷蜀漢定三秦

卷讀曰捲

與項羽

戰滎陽成臯之間大戰七十小戰四十使天下之民肝

腦塗地父子暴骨中野不可勝數

勝音升

哭泣之聲未絕

傷夷者未起

夷與彊同創也音延知翻

而欲比隆於成康之時臣竊

以為不侔也且夫秦地被山帶河四塞以為固卒然有

急

卒讀曰猝

百萬之衆可立具也因秦之故資甚美膏腴之

地此所謂天府者也

府聚也萬物所聚謂之天府

陛下入關而都之

山東雖亂秦之故地可全而有也夫與人鬪不搯其亢

拊其背未能全其勝也

張晏曰搯與扼同拊持之也亢音岡又下郎翻喉嚨也

今

陛下案秦之故地此亦搯天下之亢而拊其背也帝問

羣臣羣臣皆山東人爭言周王數百年秦二世即亡洛

陽東有成臯西有殽澗

師古曰殽謂殽山今陝州東二殽山是也澗即澗池

倍河

鄉伊洛

河在洛陽城北故曰倍伊洛二水在洛陽城南故曰鄉倍蒲妹翻鄉讀曰嚮

其固亦

足恃也上問張良良曰洛陽雖有此固其中小不過數

百里田地薄四面受敵此非用武之國也關中左殽函

右隴蜀沃野千里

師古曰沃者溉灌也言其土地皆有溉灌之利故曰沃野

南有巴

蜀之饒北有胡苑之利

師古曰謂安定北地郡之北與胡相接之地可以畜牧者也

養禽獸謂之苑音於阮翻

阻三面而守獨以一面東制諸侯諸侯安

定河渭漕輓天下西給京師

漢漕關東之粟自河入渭自渭而上輸之長安諸

侯有變順流而下足以委輸

康曰委於偽切即委積之委輸即轉輸之輸輸春過

翻此所謂金城千里天府之國也

府者物所聚也天物所聚不假人力故曰

天
府
婁敬說是也上即日車駕西都長安拜婁敬為郎中

號曰奉春君賜姓劉氏

師古曰凡言車駕謂天子乘車而行不敢指斥也長安本秦之

鄉名也高祖作都奉春君張晏曰春歲之始也今婁敬發事之始故曰奉春君也

張良素多病

從上入關即道引不食穀

孟康曰道讀曰導服辟穀藥而靜居行氣

杜門不

出曰家世相韓及韓滅不愛萬金之資為韓報讐彊秦

天下振動

事見七卷秦始皇二十九年

今以三寸舌為帝者師封萬

戶侯此布衣之極於良足矣願棄人間事欲從赤松子

游耳

師古曰赤松子仙人號也神農時為雨師服水玉教神農能入火自燒至昆山上常止西王母石室

隨風雨上下炎帝少女追之亦得仙俱去

臣光曰夫生之有死譬猶夜旦之必然自古及今固未有超然而獨存者也以子房之明辨達理足以知神僊之為虛詭矣然其欲從赤松子游者其智可知也夫功名之際人臣之所難處

處昌呂翻

如高帝所稱者

三傑而已淮陰誅夷蕭何繫獄非以履盛滿而不止耶故子房託於神僊遺棄人間等功名於外物置榮利而不顧所謂明哲保身者

詩云既明且哲以保其身

子房有焉

六月壬辰大赦天下

秋七月燕王臧荼反上自將征

之趙景王耳長沙文王芮皆薨

九月虜臧荼壬子

立太尉長安侯盧綰為燕王

班表太尉秦官掌武事漢制與丞相御史大夫為三

公應劭曰自上安下曰尉據史記盧綰傳長安故咸陽也正義曰秦咸陽在渭北長安在渭南蕭何起未央宮

之處綰家與上同里開

開音汗閭也里門曰開

綰生又與上同日上

寵幸綰羣臣莫敢望故特王之

考異曰史記漢書高紀於此皆云使丞相噲將

兵平代地按樊噲傳從平韓王信乃遷左丞相是時未為丞相又代地無反者噲傳亦無此事疑紀誤

項王故將利幾反

利幾以陳令降上侯之潁川上至洛陽召之利幾恐而反風俗通利姓也

姓譜楚公子食采於利後以為氏

上自擊破之

後九月治長樂宮

程大

昌雍錄曰長樂宮本秦之興樂宮周迴二十里高祖改修而居之在長安城東隅樂音洛

項王將

鍾離昧素與楚王信善

昧莫曷翻下同

項王死後亡歸信漢王

怨昧聞其在楚詔楚捕昧信初之國行縣邑陳兵出入

行丁

孟翻

六年冬十月人有上書告楚王信反者帝以問諸將皆

曰亟發兵阬豎子耳帝默然又問陳平陳平曰人上書

言信反信知之乎曰不知陳平曰陛下精兵孰與楚上

曰不能過平曰陛下諸將用兵有能過韓信者乎上曰

莫及也平曰今兵不如楚精而將不能及舉兵攻之是

趣之戰也

趣讀曰促

竊為陛下危之上曰為之奈何平曰古

者天子有巡狩會諸侯

白虎通曰天子所以巡狩者何巡者循也狩者收也謂循行天

下收人道德太平恐遠近不同政化幽隱有不得其所者故必自行之謹敬重民之意也孟子曰天子適諸侯

曰巡守巡守者巡所守也

陛下第出偽游雲夢

第但

會諸侯於陳陳

楚之西界信聞天子以好出游其執必無事而郊迎謁

謁而陛下因禽之此特一力士之事耳帝以為然乃發

使告諸侯會陳吾將南游雲夢上因隨以行楚王信聞之自疑懼不知所為或說信曰斬鍾離昧以謁上上必喜無患信從之十二月上會諸侯於陳信持昧首謁上上令武士縛信載後車信曰果若人言狡兔死走狗烹高鳥盡良弓藏敵國破謀臣亡

師古曰黃石公三畧之言

天下已定

我固當烹上曰人告公反遂械繫信以歸

械者加以桎械繫者加以

徽索因赦天下田肯賀上曰陛下得韓信又治秦中

如淳曰山

東人謂關中為秦中師古曰謂關中秦地也

秦形勝之國也

張晏曰得形帶勢之勝便也

河阻山地勢便利其以下兵於諸侯譬猶居高屋之上

建瓴水也

如淳曰瓴盛水瓶也居高屋之上而翻瓴水言其向下之勢順也建居偃翻瓴音鈴夫

齊東有琅邪即墨之饒

師古曰二縣近海財用之所出

南有泰山之固

泰山在齊之南境齊負以為固

西有濁河之限

晉灼曰齊西有平原河水東北過高唐高唐即

平原也孟津號黃河故曰濁河也余謂孟津在河內去平原甚遠晉說失之拘蓋河流渾濁故謂之濁河也

北有勃海之利

索隱曰崔浩云勃旁跌也旁跌出者橫在濟北故齊都賦云海旁出為勃名曰

勃海郡余據班志齊地北至勃海有高樂高城陽信重合之地地方二千里持戟百萬

此東西秦也

言齊地形勝與秦亢衡也

非親子弟莫可使王齊者上

曰善賜金五百斤上還至洛陽赦韓信封為淮陰侯信

知漢王畏惡其能

惡烏路翻

多稱病不朝從

朝直遙翻朝見也從才用翻從

遊也居常鞅鞅羞與絳灌等列

鞅鞅志不滿也音於兩翻絳侯周勃灌將軍嬰

嘗

過樊將軍噲噲跪拜送迎言稱臣曰大王乃肯臨臣信

出門笑曰生乃與噲等為伍

為信怨望謀反張本

上嘗從容與信

言諸將能將兵多少

從千容翻將即亮翻下同

上問曰如我能將幾

何信曰陛下不過能將十萬上曰於君何如曰臣多多

而益善耳上笑曰多多益善何為為我禽信曰陛下不

能將兵而善將將此乃信之所以為陛下禽也且陛下

所謂天授非人力也 甲申始剖符封諸功臣為徹侯

師古曰剖破也與其合符而分授之也剖普口翻

蕭何封酈侯

班志酈縣屬南陽郡孟康曰酈

音讚所食邑獨多

按班書功臣表蕭何封酈八千戶而曹參封平陽張良封留皆萬戶宜不得言

何封邑獨多蓋參以十二月甲申封何以正月丙午封功臣言何居上其意不能平者特同日受封樊酈絳灌諸人耳張良亦以丙午封諸人言何而不言良者蓋高祖先使良自擇齊三萬戶而良止受留萬戶故不敢言

也功臣皆曰臣等身被堅執銳被皮義翻多者百餘戰少者

數十合今蕭何未嘗有汗馬之勞徒持文墨議論顧反

居臣等上何也帝曰諸君知獵乎夫獵追殺獸兔者狗

也而發縱指示獸處者人也今諸君徒能得走獸耳功

狗也至如蕭何發縱指示功人也師古曰發縱謂解絀而放之也指示以手

指示之今俗言放狗縱子用翻而讀者乃為蹤蹟之蹤非也書本皆不為蹤字自有逐蹤之狗不待人發也洪

氏隸釋曰元祐中洺州治河堤得漢北海淳于長夏君碑其辭有曰紹縱先軌又北軍中侯郭仲奇碑云有山

甫之縱又云徽縱顯又司隸校尉魯峻碑云比縱豹產又圍令趙君碑云義其縱外黃令高彪碑云莫與比縱

皆以縱為蹤蕭何傳發縱指示獸處顏師古注云書本皆不為蹤字讀者乃為蹤蹟之蹤非也據此數碑則漢

人固多借用顏氏羣臣皆不敢言張良為謀臣亦無戰之注殆未然也

鬬功帝使自擇齊三萬戶良曰始臣起下邳與上會留

見八卷秦二世二年此天以臣授陛下陛下用臣計幸而時中

仲翻臣願封留足矣不敢當三萬戶乃封張良為留侯封

陳平為戶牖侯

戶牖鄉名屬陳留郡陽武縣徐廣曰陽武屬魏地戶牖今為東昏縣屬陳留索

隱曰徐廣云陽武屬魏而地理志屬河南郡蓋後陽武屬梁國耳徐又云戶牖今為東昏縣屬陳留與班書地

理志同按是秦時戶牖鄉屬陽武至漢以戶牖鄉為東昏縣隸陳留郡也括地志東昏故城在汴州陳留縣東

北九十里陳平亦十二月甲申封

平辭曰此非臣之功也上曰吾用先

生謀戰勝克敵非功而何平曰非魏無知臣安得進上

曰若子可謂不背本矣乃復賞魏無知

平因無知見上事見九卷二年

背蒲妹翻復扶又翻

帝以天下初定子幼昆弟少懲秦孤立而

亡欲大封同姓以填撫天下

填讀曰鎮

春正月丙午分楚王

信地為二國以淮東五十三縣立從兄將軍賈為荆王

索隱曰乃王吳地在淮東也余據班史時以故東陽郡鄣郡吳郡五十三縣王賈東陽漢下邳地鄣郡漢丹陽

地吳郡即會稽地蓋其地自淮東而南盡丹陽會稽也賈死後以其地王吳王濞故索隱云王吳地也如淳曰

荆亦楚也賈逵曰秦莊襄王名楚故改曰荆遂行於世晉灼曰奮伐荆楚自秦之先固已稱荆索隱曰姚察按

虞喜云總言荆者以山命國也今西南有荆山在陽羨界賈分封吳地而號荆王指取此義太康地志陽羨縣

本名荆溪從才用翻以薛郡東海彭城三十六縣立弟文信君交

為楚王

薛郡漢之魯國東海秦之郿郡彭城後為楚國蓋封交之時得三郡地景武之後楚國僅彭城

數縣

壬子以雲中鴈門代郡五十三縣立兄宜信侯喜

為代王以膠東膠西臨菑濟北博陽城陽郡七十三縣

立微時外婦之子肥為齊王

據此則博陽於秦楚漢兵爭之時亦嘗置郡矣自淮

東至此雜用古地名固不純用秦漢所置郡名也師古曰外婦謂與旁通者

諸民能齊言者

皆以與齊

孟康曰此時民流移故使能齊言者還齊也史記正義曰按言齊國形勝次於秦中故以

封子肥七十餘城近齊城邑能齊言者咸割屬齊親子故大其都也孟說恐非

上以韓王信

材武所王北近鞏洛南迫宛葉東有淮陽

韓之分晉其地南至宛葉

西北包鞏洛接於新安宜陽東有潁川而淮陽之地則屬于楚及漢定天下韓王信剖符王潁川其地東兼有

淮陽所謂北近南迫言其境相迫近耳不屬韓也宛於元翻葉式涉翻

皆天下勁兵處乃

以太原郡三十一縣為韓國徙韓王信王太原以北備

禦胡都晉陽信上書曰國被邊匈奴數入寇晉陽去塞

遠請治馬邑

班志太原郡領二十一縣今以三十一縣為韓國蓋定襄未置郡故太原之地北被

邊兼有鴈門之馬邑也晉太康地記曰秦時建此城輒崩不成有馬周旋走反覆父老異之因依以築城遂名

馬邑杜佑曰秦馬邑城在朔州善陽縣界李奇曰被音被馬之被師古曰被猶帶也皮義翻數所角翻上

許之 上已封大功臣二十餘人其餘日夜爭功不決

未得行封上在洛陽南宮從複道望見諸將往往相與

坐沙中語上曰此何語留侯曰陛下不知乎此謀反耳

上曰天下屬安定

屬近也言近方安定也屬之欲翻

何故反乎留侯曰

陛下起布衣以此屬取天下

屬殊玉翻

今陛下為天子而所

封皆故人所親愛所誅皆生平所仇怨今軍吏計功以

天下不足徧封此屬畏陛下不能盡封恐又見疑平生

過失及誅故即相聚謀反耳上乃憂曰為之奈何留侯

曰上平生所憎羣臣所共知誰最甚者上曰雍齒與我

有故怨數嘗窘辱我

服虔曰未起之時與我有故怨也師古曰每以勇力困辱高祖余觀

帝初起今雍齒守豐齒雅不欲屬帝即以豐降魏可以見其有故怨矣雍於用翻數所角翻

我欲殺

之為其功多故不忍

偽為于翻

留侯曰今急先封雍齒則羣

臣人人自堅矣於是上乃置酒封雍齒為什方侯

蘇林曰什

方漢中縣也師古曰地理志屬廣漢非漢中也今則屬益州什音十余按唐志什邡縣屬漢州蓋垂拱又分益

州置漢州也宋白曰什方縣舊治雍齒城今於城北四十步立縣

而急趨丞相御史定

功行封

趙讀曰促漢之三公丞相職無不總御史大夫掌副丞相

羣臣罷酒皆喜曰

雍齒尚為侯我屬無患矣

臣光曰張良為高帝謀臣委以心腹宜其知無不言
安有聞諸將謀反必待高帝目見偶語然後乃言之

邪蓋以高帝初得天下數用愛憎行誅賞

數所角翻

或時

害至公羣臣往往有觖望自危之心

觖古穴翻師古曰音決觖謂相

觖也望怨望也韋昭曰觖猶冀也音冀索隱音企

故良因事納忠以變移帝

意使上無阿私之失下無猜懼之謀國家無虞利及

後世若良者可謂善諫矣

列侯畢已受封詔定元功十八人位次

師古曰謂蕭何曹參張敖周勃

樊噲酈商奚涓夏侯嬰灌嬰傅寬靳歙王陵陳武王吸薛歐周昌丁復蟲達自第一至十八也余謂此但定蕭

何等元功十八人位次耳至呂后時乃詔作高祖功臣位次凡一百四十餘人師古所謂自蕭何至蟲達十八人呂后所定位次也張敖於高祖九年始自趙王廢為宣平侯安得預元功十八人之數哉故師古註功臣位次云張耳及敖並為無大功蓋以魯元之故呂后曲升之耳此說則得之皆曰平陽侯曹參

身被七十創攻城畧地功最多宜第一

被皮義翻創初良翻

謁者

關內侯鄂千秋進曰羣臣議皆誤

鄂本出姬姓晉鄂侯之後關內侯位次列

侯爵第十九師古曰言有侯號而居京畿無國邑

夫曹參雖有野戰畧地之功

此特一時之事耳上與楚相距五歲失軍亡衆跳身遁

者數矣

師古曰謂輕身走出也數所角翻下同

然蕭何常從關中遣軍補

其處非上所詔令召而數萬衆會上之乏絕者數矣又

軍無見糧

見賢通翻

蕭何轉漕關中給食不乏陛下雖數亡

山東蕭何常全關中以待陛下此萬世之功也今雖無

曹參等百數何缺於漢漢得之不必待以全奈何欲以

一旦之功而加萬世之功哉蕭何第一曹參次之上曰

善於是乃賜蕭何帶劔履上殿入朝不趨

古者君子必帶劔所以衛

身且昭武備也秦法羣臣上殿不得持尺寸之兵草曰
匪麻曰屨皮曰履屨履所以從軍軍容不入國故皆不
許以上殿君前必趨崇敬也今賜
何劍履上殿入朝不趨殊禮也
上曰吾聞進賢受上

賞蕭何功雖高得鄂君乃益明於是因鄂千秋所食邑

封為安平侯

索隱曰安平縣屬涿郡非留川之東安平縣

是日悉封何父子

兄弟十餘人皆有食邑益封何二千戶
上歸櫟陽

夏五月丙午尊太公為太上皇

師古曰太上者極尊之稱也皇君也天子之父

故號曰皇不預治國故不言帝

初匈奴畏秦北徙十餘年及秦滅匈

奴復稍南渡河

此北河也在朔方北

單于頭曼有太子曰冒頓

韋昭

曰冒音瞞師古曰莫安翻後有所愛閼氏匈奴之閼氏猶中國之皇

音支下月氏同生少子頭曼欲立之少詩照翻是時東胡彊

而月氏盛括地志涼肅甘沙庭州本月氏地乃使冒頓質於月氏質音致

既而頭曼急擊月氏月氏欲殺冒頓冒頓盜其善馬騎

之亡歸頭曼以為壯令將萬騎冒頓乃作鳴鏑應劭曰鏑箭也

韋昭曰矢鏑飛則鳴余見今軍中亦有鳴鏑於近習之處開小竅矢飛急則凌風而鳴鏑音嫡髡呼交翻

勒其騎射勒其所部使習其令也令曰鳴鏑所射而不悉射者斬

之冒頓乃以鳴鏑自射其善馬既又射其愛妻左右或

不敢射者皆斬之最後以鳴鏑射單于善馬左右皆射之於是冒頓知其可用從頭曼獵以鳴鏑射頭曼其左右亦皆隨鳴鏑而射

射而亦翻

遂殺頭曼盡誅其後母與弟

及大臣不聽從者冒頓自立為單于東胡聞冒頓立乃使使謂冒頓欲得頭曼時千里馬冒頓問羣臣羣臣皆曰此匈奴寶馬也勿與冒頓曰奈何與人鄰國而愛一馬乎遂與之居頃之東胡又使使謂冒頓欲得單于一闕氏冒頓復問左右

復扶又翻

左右皆怒曰東胡無道乃求

關氏請擊之冒頓曰奈何與人鄰國愛一女子乎遂取

所愛關氏予東胡

予讀曰與下同

東胡王愈益驕東胡與匈奴

中間有棄地莫居十餘里各居其邊為甌脫

服虔曰甌脫作土室

以伺也師古曰境上候望之處若今之伏宿處也甌一侯翻脫土活翻

東胡使使謂冒頓

此棄地欲有之冒頓問羣臣羣臣或曰此棄地予之亦

可勿與亦可於是冒頓大怒曰地者國之本也奈何予

之諸言予之者皆斬之冒頓上馬令國中有後出者斬

遂襲擊東胡東胡初輕冒頓不為備冒頓遂滅東胡既

歸又西擊走月氏南并樓煩白羊河南王

師古曰樓煩白羊二王之

居在遂侵燕代悉復收蒙恬所奪匈奴故地

蒙恬奪匈奴地見七

卷秦始皇三十一年

與漢關故河南塞至朝那膚施

班志朝那縣屬安定郡膚

施縣屬上郡史記正義曰漢朝那故城在原州百泉縣西七十里膚施縣趙置秦因而不改今屬延州

是

時漢兵方與項羽相距中國罷於兵革

罷讀曰疲

以故冒頓

得自彊控弦之士三十餘萬

控弦引弓也控口弄翻

威服諸國秋

匈奴圍韓王信於馬邑信數使使胡求和解漢發兵救

之疑信數間使有二心

數所角翻間古覓翻使疏吏翻

使人責讓信信

恐誅九月以馬邑降匈奴匈奴冒頓因引兵南踰句注

郡國志句注山險名在鴈門陰館縣括地志句注山在代州鴈門縣西北三十里杜佑曰句注山即代州鴈門

縣西陁嶺句音鉤攻太原至晉陽帝悉去秦苛儀法

為簡易去羗呂翻除也後以義推易以鼓翻下同羣臣飲酒爭功醉或妄呼

拔劍擊柱呼火故翻帝益厭之叔孫通說上曰叔孫本出姬姓魯叔孫氏

後夫儒者難與進取可與守成臣願徵魯諸生與臣弟

子共起朝儀朝直送翻帝曰得無難乎叔孫通曰五帝異樂

三王不同禮禮者因時世人情為之節文者也臣願頗

采古禮與秦儀雜就之上曰可試為之令易知度吾所

能行者為之

易以鼓翻度徒洛翻

於是叔孫通使徵魯諸生三十

餘人

師古曰通為使者而徵魯諸生使疏吏翻

魯有兩生不肯行曰公所事

者且十主皆面諛以得親貴

通事秦始皇二世陳涉項梁楚懷王項羽及帝凡七

主且幾也言幾及十主也

今天下初定死者未葬傷者未起又欲起

禮樂禮樂所由起積德百年而後可興也

師古曰言行德教百年然

後可起禮樂

吾不忍為公所為公去矣無汙我

汙烏故翻

叔孫通

笑曰若真鄙儒也不知時變

師古曰若汝也鄙言不通

遂與所徵三

十人西

師古曰西入關

及上左右為學者

師古曰左右謂近臣也為學謂素有學術

與其弟子百餘人為綿蕞野外習之

應劭曰立竹及茅索營之習禮儀其

中也如淳曰謂以茅剪樹也為纂位尊卑之次也春秋傳曰置茅蕞師古曰蕞與蕞同子悅翻如說是韋昭曰

引繩為綿立表為蕞蕞茲會翻賈逵曰束茅以立表位為蕞纂丈曰蕞今之纂字即悅翻又音纂

月餘

言於上曰可試觀矣上使行禮曰吾能為此乃令羣臣

習肄

肄弋二翻亦習也

七年冬十月長樂宮成諸侯羣臣皆朝賀

時未起未央宮故帝御長

樂宮受朝賀及蕭何既起未央前殿自惠帝以後皆御未央而長樂為太后所居謂之東朝樂音洛先平

明

師古曰未平明之前先悉薦翻

謁者治禮以次引入殿門陳東西鄉

治直之翻

鄉讀曰嚮衛官俠陞

衛官侍衛之官郎中及中郎執戰侍衛者是也俠與挾同挾殿陞之

兩旁也或音夾

及羅立廷中皆執兵張旗幟

幟昌志翻

於是皇帝傳

警

漢儀云帝輦動則左右侍帷幄者稱警是也漢書音義天子出稱警傳聲而唱以警外也

輦出房

沈約曰輦車周禮工后五路之卑者也后從容宮中所乘非王車也漢制乘輿與御之或使人輓或駕果下馬不

知何代去其輪

引諸侯王以下至吏六百石

漢吏六百石銅印墨綬奉月七十斛

以次奉賀莫不振恐肅敬至禮畢復置法酒

禮畢謂朝禮畢也師

古曰法酒猶言禮爵謂不飲之至醉

諸侍坐殿上皆伏抑首

師古曰抑屈也謂依禮法

不敢平
坐而視

以尊卑次起上壽觴九行謁者言罷酒御史執

法舉不如儀者輒引去

執法即御史也杜佑曰御史之名周官有之蓋掌贊書而授法

今非今任也戰國時亦有御史秦趙澠池之會各令書其事秦漢為糾察之任秦以御史監郡漢初定禮儀御

史執法舉不如儀者輒引去是也

竟朝置酒無敢謹譁失禮者

竟朝言行朝禮

至禮畢也朝直還翻

於是帝曰吾乃今日知為皇帝之

貴也乃拜叔孫通為太常

班表奉常秦官掌宗廟禮儀景帝中六年改曰太常此不

書奉常而書太常者使人易知

賜金五百斤初秦有天下悉內六國禮

儀采擇其尊君抑臣者存之及通制禮頗有所增損大

抵皆襲秦故自天子稱號下至佐僚及宮室官名少所

變改其書後與律令同錄藏於理官

師古曰理官即法官也

法家

又復不傳民臣莫有言者焉

臣光曰禮之為物大矣用之於身則動靜有法而百

行備焉用之於家則內外有別而九族睦焉

行下孟翻別彼

列翻

用之於鄉則長幼有倫而俗化美焉用之於國則

君臣有叙而政治成焉

治直吏翻

用之於天下則諸侯順

服而紀綱正焉豈直几席之上戶庭之間得之而不

亂哉夫以高祖之明達聞陸賈之言而稱善

見下卷
十一年

睹叔孫之儀而歎息然所以不能肩於三代之王者
病於不學而已當是時得大儒而佐之以禮為

天下其功烈豈若是而止哉惜夫叔孫生之器小也

徒竊禮之糠粃以依世諧俗取寵而已

穀皮曰糠穀
不成曰粃

與粃
同

遂使先王之禮淪沒而不振以迄于今豈不痛

甚矣哉是以揚子譏之曰昔者魯有大臣史失其名

曰何如其大也曰叔孫通欲制君臣之儀召先生於

魯所不能致者二人曰若是則仲尼之開迹諸侯也

非邪曰仲尼開迹將以自用也

宋咸曰謂開布其迹於諸侯之國猶言歷

聘也如委已而從人雖有規矩準繩焉得而用之

焉於

善乎揚子之言也夫大儒者惡肯毀其規矩準繩以

趨一時之功哉

惡音烏趨七喻翻

上自將擊韓王信破其軍於銅鞮

班志銅鞮縣屬上黨郡上黨記晉銅鞮伯

華所邑去銅鞮故宮二十里唐屬潞州宋白曰縣有銅鞮水故名鞮丁奚翻

斬其將王喜信

亡走匈奴白土人曼丘臣王黃等立趙苗裔趙利為王

班志白土縣屬上郡括地志白土故城在鹽州白池東北九十里又云近延州余據班志園水出白土縣西東入河師古曰園音銀今銀州銀水是則白土縣在唐銀州界按園字乃園字之誤通典園水在銀州儒林縣東北今謂之無定河師古又曰曼丘毋丘木一姓也語有緩急耳曼音萬姓譜齊有曼丘不擇復收信

敗散兵與信及匈奴謀攻漢匈奴使左右賢王將萬餘

騎與王黃等屯廣武以南至晉陽

班志匈奴置左右賢王左右谷蠡王最為

大國班志廣武縣屬太原郡史記正義廣武故城在代州鴈門界句注山南杜佑曰代州鴈門郡治鴈門縣漢廣武縣故城在西南宋白曰隋改廣武縣為鴈門避太子諱也漢兵擊之匈奴輒敗走

已復屯聚漢兵乘勝追之會天大寒雨雪

大戴記曰盛陰之氣在雨

水則凝滯而為雪雨于具翻
自上而下曰雨後以義推

士卒墮指者什二三師古

人之中二

上居晉陽聞冒頓居代谷

史記正義曰代谷今媯州余據唐媯

州在幽州西北此代谷在句注之北後魏都平
城建為代都蓋因代谷而名也唐屬雲州界

欲擊之

使人覘匈奴

覘丑廉翻又勅
艷翻窺偵也

冒頓匿其壯士肥牛馬但

見老弱及羸畜

羸倫為翻
畜許救翻

使者十輩來皆言匈奴可擊

上復使劉敬往使匈奴

復扶
又翻

未還漢悉兵三十二萬北

逐之踰句注劉敬還報曰兩國相擊此宜夸矜見所長

見賢遍翻示
也下欲見同

今臣往徒見羸瘠老弱此必欲見短伏奇

兵以爭利愚以為匈奴不可擊也是時漢兵已業行

已為而未成曰業

上怒罵劉敬曰齊虜以口舌得官今乃妄言

沮吾軍

沮才汝翻止也

械繫敬廣武帝先至平城兵未盡到冒

頓縱精兵四十萬騎圍帝於白登七日

班志平城縣屬鴈門郡服虔曰

白登臺名去平城七里師古曰白登在平城東南去平城十餘里括地志朔州定襄縣本漢平城縣東北三十里有白登山上有臺名曰白登臺漢兵中外不得相救餉帝用陳平祕

計使使間厚遺閼氏

應劭曰陳平使畫工圖美女間遺閼氏曰漢有美女如此今皇帝困

急欲獻之閼氏畏其奪已寵言於冒頓令解圍余謂祕計者以其失中國之體故祕而不傳間古覓翻遺于李

翻

閼氏謂冒頓曰兩主不相困今得漢地而單于終非
能居之也且漢主亦有神靈單于察之冒頓與王黃趙
利期而黃利兵不來疑其與漢有謀乃解圍之一角會
天大霧漢使人往來匈奴不覺陳平請令彊弩傳兩矢
外鄉

師古曰傳讀曰附每一弩而加兩矢外鄉以禦敵也鄉讀曰嚮

從解角直出帝出

圍欲驅太僕滕公固徐行至平城漢大軍亦到胡騎遂
解去漢亦罷兵歸令樊噲止定代地上至廣武赦劉敬
曰吾不用公言以困平城吾皆已斬前使十輩矣乃封

敬二十戶為關內侯號為建信侯帝南過曲逆

班志曲逆縣屬

中山國張晏曰濡水於城北曲而西流故曰曲逆後漢章帝醜其名改曰蒲陰杜佑曰中山郡北平縣秦曲逆縣後漢蒲陰縣曲逆讀皆如字文選高祖功臣贊注曰曲區句翻逆音過非也顏之推曰俗儒讀曲逆侯為去遇栗姚校尉曰飄搖栗姚諸儒有兩音最無謂者曲逆為去過也曰壯哉縣吾行天下

獨見洛陽與是耳乃更封陳平為曲逆侯盡食之平從

帝征伐凡六出奇計輒益封邑焉 十二月上還過趙

趙王敖執子圉禮甚卑

敖尚帝女魯元公主故執子圉禮

上箕倨慢罵

之

師古曰箕倨者謂伸兩脚其形如箕曲禮曰坐毋箕孔頴達曰箕謂舒展兩足狀如箕舌也

趙相

貫高趙午等皆怒

貫姓也原伯貫之後

曰吾王孱王也

孟康曰孱音潺湲之

潞冀州謂懦弱者為孱師古音士連翻

乃說王曰天下豪傑並起能者先

立今王事帝甚恭而帝無禮請為王殺之張敖齧其指

出血曰

師古曰自齧其指出血以表至誠而為誓約不肯漢也為于偽翻

君何言之誤

先人亡國賴帝得復國

張耳亡國事見九卷元年復國事見十卷三年

德流子

孫秋豪皆帝力也

豪至秋而纖銳秋豪言其細微也

願君無復出口

復狀

又翻

貫高趙午等皆相謂曰乃吾等非也吾王長者不倍

德

長知兩翻倍蒲妹翻

且吾等義不辱今帝辱我王故欲殺之何

湊王為

湊烏故翻染浣也

事成歸王事敗獨身坐耳

言獨以身坐裁帝之

罪

匈奴攻代代王喜棄國自歸

喜即帝兄仲也六年春正月以代地立喜

為代王韓王信故國

赦為邵陽侯

班志邵陽縣屬左馮翊詩所謂在邵之陽者也括地志邵陽故

城在同州河西縣南三十里邵音合

辛卯立皇子如意為代王

如意戚夫人之

子後徙王趙

春二月上至長安蕭何治未央宮

未央宮在長安城西

南隅周迴二十八里元和志曰東距長樂宮一里中隔武庫括地志未央宮在雍州長安縣西北十里長安故

城中上見其壯麗甚怒謂何曰天下匈匈勞苦數歲成敗

未可知是何治宮室過度也何曰天下方未定故可因

以就宮室且夫天子以四海為家非壯麗無以重威且

無令後世有以加也上說

說讀曰悅

臣光曰王者以仁義為麗道德為威未聞其以宮室

填服天下也

填讀曰鎮

天下未定當克己節用以趨民之

急

趨七喻翻

而顧以宮室為先豈可謂之知所務哉昔禹

卑宮室而桀為傾宮

孔子曰禹卑宮室而盡力乎溝洫桀為傾宮瑤臺以殫百姓之

財創業垂統之君躬行節儉以示子孫其末流猶入

於淫靡況示之以侈乎乃云無令後世有以加豈不

謬我至于孝武卒以宮室罷敝天下

卒子恤翻
罷讀曰疲

未必

不由鄼侯啟之也

上自櫟陽徙都長安

先雖以婁敬張良之言西都關中
然都邑未成則猶居櫟陽今未央

宮成始自櫟
陽徙都長安

初置宗正官以序九族

班表宗正泰官
掌親屬平帝元

始元年更
名宗伯

夏四月帝行如洛陽

資治通鑑卷十一